

No KWILUKA KOBE

WE MWINE WISHINTILILAKO

 Natube fye abaiminina, pakashita fye nomba, mwipepo. Ni banga muno abakwete icakulomba pa mutima wabo, ico mwingafwaya ukutila Lesa enga mucitila icintu cimo icisuma muli uno musonkano? Natukontamike imitwe yesu nomba kuli Wene.

² Shifwe uwa mu Mulu, ifwe tuli abantu abashuka ukulongana capamo muno mwi Shina lyakwa Shikulu Yesu, mucalo icintungwa umo twinga shinshimuna Imwe ukulingana no kukabila ukwa kampingu wesu, na nomba. Kibili tulepepa, Tata, ukutila ici cili no kuba inshita itali. Kibili nomba lekeni ifwe tube abakubomfyा ili shuko ilikalamba ilyo twawkwata. Kibili lekeni ifwe tubike umutima wesu onse mu mulimo muno bushiku, ku kushinshimuna Imwe, pa kutila cingalandwa, ukutila, “Lesa aciba mukati kesu muno bushiku, ukupala abantu Bakwe.” Pususheni umweo onse uwaluba uuli muno muno bushiku, Shikulu. Kibili uwabwelelenuma onse, lekeni babwelele ku nga’nda yakwa Lesa. Ndepepela umuntu onse umulwele, lekeni bondapwe, abatitikishiwa bengenda, kibili impofu shingamona, ba nkamatwi bengomfwa, amalumbo no bukata ukupelwa kuli Yesu Kristu pakati ka bantu Bakwe. Lekeni cikebukishiwe inshita itali, Shikulu, pa mulandu wakutila ifwe natulongana fwebene capamo no kulomba mwi Shina lyakwa Yesu pali aya mapalo. Ameni.

Kuti mwaikala.

³ Nangu cibe fyo, mukwisa ku Ramada Inn, cena lyonse cimoneka kwati kubwelela ku nga’nda, ulya musango, pantu naba kuno inshita itali mpaka ine—ine ndetontonkanya bena batendeka fye ukunjishiba ine. Kibili ndi uwansansa pali cilya, pantu ninsanga ibumba ilisuma ilya bantu aba muli aba ba Ramada Inn. Cilya mu Tuckson kibili cimo kuno, bena bali aba cikuku nganshi kuli ifwe, ukutuleka ifwe ukukwata ukulongana. Te kale sana, nalikwete ukulongana ukwandi ne mwine, kulya mu Ramada Inn, kibili maneja tansuminishe ine ukusonkela icikulwa. Cilya cisuma nganshi. Ndeibukisha cilya ilyo ndeciluka, inko, nasho, nomba, balya abacita ifisuma kuba nga’nda yakwa Lesa.

⁴ Nomba twalikwete, ukutula pa Mulungu ubushiku, atemwa pa Mulungu icungulo, ntile, nshita ishikalamba shimo muli Shikulu, atemwa nakuba ninkwata. Nalikwete inshita iyawama

ukuipakisha amapalo Yakwe, kibili ne senge lyá Mupashi wa Mushilo pamo na bantu Bakwe.

⁵ Ine—nalitemwa ukwibukisha, ukutila, capamo ifwe tuleshinshimuna Lesa. Imwe muli mibele yakwa Lesa, iciputulwa cakwa Lesa, ilyo mwaba umwana mwaume no mwana mwanakashi wakwa Lesa. Kibili Lesa ali muli imwe, ukucito bufwayo Bwakwe, nga imwe muli no kumuleka Wene ukucicita.

⁶ E ico ifwe tulesubila, muno bushiku, ukutila umuntu onse ali no kulabako pa fintu ifyo fyaliko mu nshiku, kibili no kubika kumbali icintu conse, no kubika fye imitima yesu mukati fye ka kulongana nomba; te ino fye yeka inshita ya bushiku, lelo mu musonkano uleisa. Ukwabula ukutwishika amabumba ayengi nayalongana. Kibili ndemonia bambo na bambi muno bushiku ku ntanshi, ukulongana kwa musonkamo uyo uuli no kutendeka mailo. Kibili ndeipusha abantu abo abali muno ku kupuputulwa uko twakwete fye, ukutila, nga cena conse cingacitwa, ndekabila imwe kuti mwasangwako ku musonkano. Ifwe tuli no kukwata bambo abaishiba ukulanda abatantikwe. Umo munyina nafilwa ukwisa, kibili, lelo ifwe natukwata abengi abali nokuba kuno ukusenda icifulo cakwe. Ndefwaya ukuba mu musonkano onse ine wine, ukuipakisha lino isenge.

⁷ Namwishiba, ifwe tulesa kuno nga bakapyunga, kibili tulalanda, kibili ifwe lyonse tulapela ku bantu ifintu fyonse ifili muli ifwe. Nalishimikile isambililo inshita imo, apo Yesu asosele, “Moneni cananika, ifyo taba—tabacucutika nangu ukupikula, lelo ndemweba nati nangu ni Solomoni mubukata bwakwe bonse tasamikwe nga umo.” Kibili ndesanga ukutila, cananika alingile ukukula, akasuba no bushiku, ukupikula, ukucucutika, kukuilenga umwine ukubalika. Lelo ena tapokelelamo amapalo ukufuma muli kwena, umwine. Ena alaisula umwine, kibili—kibili abalepita balanunsha icena cisuma ukufuma kuli wene. Ulushimu lulasenda ubuci ukufuma fye mukati ka mutima. Ena alapela ifintu fyonse ifyo acucutikilapo ukuletamo. Kibili nainike mbila yandi, *Reverend Mister Lily*, e ico lilya lili nge sambililo ilyaibela.

⁸ Lelo—lelo cena efyo cili, bakapyunga balaipela abene ku bantu, kibili cena cisuma lyena ukwikala fye pansi kabili—kibili ukumfwa kuli bambi. Kwati konta umulilo, ifwe twalitemwa ukwikala mumbali ya lubingu lwa mulilo ulwa umo no mubiye no kukafya imitima yesu ne Mbila nsuma iyo ba munyinefwe baleshimikila ku bantu. Kibili ndetasha ukukwata ili shuko ukucita cilya. Kibili nomba ndesubila muno bushiku...

⁹ Billy alinjebele ukutila alipela amakadi yakupepelwapo, yonse. Kibili ifwe twalifililwe ukuleta umulongo wakupepelwa kuno lubali nga twali no kucita. Mwamona, imwe mulingile

ukushingulukila mumbali ukupitila kulya, kibili ukupitila mucikulwa icafita, no kwisa uku lubali. Imwe kuti mwaipununa pa fintu ifili fyonse, ukwisa ingila muno. Kibili abatitikishiwa na balemana kuti baba mu musango uwabipisha, ukucicita.

¹⁰ Lelo ifwe tawishibe ifyo Shikulwifwe engacita. Ena kuti aisa mukati fye kesu, muno bushiku, kibili—kibili ukundapa cila umo uuli muno, ubulwele bonse. Owe, ine kuti natemwa ukumona cilya ukucila imilongo yonse iyakupepelwa ine natala ukukwatapo mubumi bwandi, ukuba fye—ukumona fye ukuiteka kwakwa Lesa ukwisa pakati ka bana Bakwe abacumfwila. Ine—ine lyonse nalitemwa cilya.

¹¹ Ilingi line, nga imwe na mukwata ukulanshanya ukuli konse na bantu, ngo kwakubike ndupi, kuti caba, nshiletontonkanya abengi nganshi kuti bacita cilya, cisuma, bena kuti basosa, “Uwaifi ne-ne fi kapyunga alibika indupi shakwe pali ine, kibili, ubukata kuli Lesa!” Cilya cilalenga abantu ukulolekesha pali ulya kapyunga lyena.

¹² Lelo nga imwe kuti mwaiminina fye pano, ukushimikila Icebo, no kuleka Mupashi wa Mushilo ukundapa uuli onse, lyena mucine cine cili fye inkumbu shakwa Lesa. Kibili lyena Lesa alasenda ukulumbanya konse, ubukata, kibili tapaba icinshingwa nangu cimo pa muntu uuli onse. Ulya e musango ine, muli bukapyunga bwandi, umulandu nshiila kubengi, kano fye... Nomba, mailo bushiku, ifwe twalyeseshe ukupepelela abengi nganshi nge fyo twingacita. Lelo ukubikapo indupi...

¹³ Cena ilingi line ni mu nshita sha bushiku, nalimo fye Mupashi wa Mushilo esa fye pakati kesu no kutendeka ukuiangisha Umwine, ukuilenga ukwishesibika Umwine pakati kesu. Kibili elyo kuli cilya, ndetontonkanya, cena cituntulu, ilyo Ena nalimo kuti aba mukuiteka, mwamona. Te kuti nsose nomba, “Uyu mwaume, atemwa *uyu* mwanakashi, atemwa *ulya* umwana,” mwamona. Mupashi wa Mushilo alenda mucikulwa no kulanda kuuli onse uo Ena ali no kulandako. Mwamona, kulya kuiteka. Kibili lyena cilya cileta mukwishesiba, pantu cena bulayo bwakwa Lesa, kibili cilya cileta ukwishesiba kwa kuiteka kwa Lesa, kibili na cimbi cileta Umulola Wakwe ukwika pakati kesu. Ifwe tulingile ukumona cena no kusangalala! Kibili te mulandu...

¹⁴ Mwatila, “Cisuma, nali uwalemana mukuboko kwandi. Nali kulya inshita ya bushiku iyafumineko. Ine—ine—nshaumfwilepo na bwino.” Cilya tacakwatapo nangu cimo icakucitapo na cena. Kuli imwe, cena nacipwishiwa kale. Imwe tamuleolekesha ku kuboko kwenu lyena, imwe muleolekesha pa bulayo, mulemona. Kibili e ico kanshi, imwe tekuti musose, “Cisuma, Munyina *Kampanda-na-kampanda* tapepele ipopo lya citetekelo, atemwa *kampanda-na-kampanda*.” Cena Mulola wakwa Shikulu

uwapele imwe citetekelo, mulemona, kibili lyena Ena atumine Icebo Cakwe no kubondapa bena.

¹⁵ Nomba, mailo bushiku ine—nshafikilishe ubulayo bwandi nakabili. Ndi uwashininkisha ndi no kwesha ukusunga bwena muno bushiku, nga kuti nacita. Kibili nomba umuntu umo atile, “Iwe tawaikele pe sambililo lyobe mailo ubushiku.” Iyo, ine—ine nshacitile; pantu, nalamweba mulandu nshi. Ine nali no kushimikila pe sambililo, nomba nindabako fye ni cinshi, “*Lelo Lesa Uwacindama Mu Luse.*”

¹⁶ Kibili nalyeseshe ukulondolola ifyo kutila Paulo, ukulanda kulya, atile, “Ifwe fwebali akale,” inshita imo, inshita imbi ukucila nomba, “ifwe twali abafwa mu—mu lubembu na mu mampulu; uo Lesa ku mweo, kulengo wa mweo.” Nomba, mwamona, ilyo icintu icili conse tacilalengwa ku mweo, kulingile kwaba icintu cimo kulya icakuleta ku mweo. Cilya cishinka.

¹⁷ E ico, mulemona, nga imwe mwali mukwishibila kabela kwa kwa Lesa, lyena imwe mulesa mukuba iciputulwa cakwa Lesa. Kibili inshila fye imo imwe mwingaba umwana mwaume wakwa Lesa atemwa umwana mwanakashi wakwa Lesa, imwe mwalingile ukuba iciputulwa cakwa Lesa, kibili Lesa taba uwapwililika ukwabula imwe. Alingile ukuba. Cilya cishinka, pantu kwaba fye Umo, intulo fye imo iya Mweo wa Muyayaya, kibili ulya ni Lesa, kibili Wene eka alikwata Umweo wa Muyayaya. Mwamona? Nomba, kibili imwe mwali iciputulwa ca Wene, icakutila imwe muli mibebe, napamo mukutontonkanya Kwakwe mukutendeka. Kibili cilya, pantu Ena atontonkenye pali imwe mukutendeka, cena cilapela kulyo kutinta ukunono kuli Wene. Cilya e cilingile ukulengwa ica mweo. Bamo muli bena tabakatale ukulengwa aba mweo; bena tabakwata fye cena, epela fye.

¹⁸ Kwati fye nga mwabika uluseke lwangano mu mushili, talwakwete... Te mulandu ifyo lwena lwali ulusuma, nga lwena talwakwete aka musonga kabumi muli lwena, lwena tekuti lutale lulengwe lwa mweo. Lelo akamusonga ka bumi kalingile ukuba mulya intanshi.

¹⁹ Kibili nalikwata lilye lyashi ilinono palwa ulya kapumpe, ukwenda pamo na bana nkoko kibili no twana twankoko pantu ena alitotelwe no kufyalilwa kulya, lelo ena tatalile ukumfwa fye nga tulyo twana twa nkoko. Kibili, namwishiba, ilyo nyina aishile no kubilikisha, ena aumfwile ishiwi ilyo lyaumfwike bwino nganshi kuli wene, pantu, ibukisheni, ena ali ni kapumpe, icakwambilapo. Ena aishileisanga fye umwine, ukusanga icifulo cakwe.

²⁰ Kibili ulya e musango uwacetekela onse aba. Imwe tamwafyalilwe pa mulandu wa ili sonde. Imwe mwalengelwe mu cipasho cakwa Lesa, ukuba umwana wakwa Lesa. Kibili imwe

tamwaba muli ulu lubansa lwa nkoko kunse uku. Imwe muli kapumpe.

²¹ Kibili namwishiba, naishileba pali ulya “kapumpe” kibili nalifililwe ukubweseha inkasa shandi pa mushili, e ico nakwete fye . . . Naile apatali nganshi, kibili nalilabileko ifyo isambililo lyandi lyali, kibili nalufishe ifyo nalembele ne fintu fyonse ifyashala. Ine nalikwete inshita iyawamisha. Lelo cilya efyo cena cali, cena cali fye pali ulya “kapumpe.”

²² Nomba lekeni ulya Kapumpe, Lesa! Namwishiba, Lesa alapashanya bakasesema Bakwe kuli bakapumpe. Kibili Ena alaita Umwine kapumpe; Ena ni Yehoba Kapumpe, Tata Kapumpe.

²³ Kibili umulandu Ena acitila cilya, kapumpe kuti apupuka apa sansamisha ukucila icuni icili, conse icabako, kibili pantu ena alengwa uwapusana ukufuma ku cuni cimbi icili conse. Nomba, ena tapanga icinsa cakwe pa mushili nge nkoko kibili na fimbipo, lelo ena alaya apasansama ukupanga icinsa cakwe.

²⁴ Kibili icintu cimbi, ukutila, ena cuni icapangwa umwaibela. Nomba nga u—nga ulukoshi, atemwa mwankole, atemwa ikubi, atemwa icuni icili conse kuti caesha ukukonka ena mu mulu, cena kuti capona; cena tacapangilwa kuli ici. Ena alingile ukuba, umuntu uwaibela ukuya pa mulu palya. Amapindo yakwe yaba ayaikatisha ukucila icuni cimbi icashala.

²⁵ Kibili—kibili ilinso lyakwe lilamonekesha ukucila icuni cimbi icashala. Kibili ilyo aya apasansamisha, apatali sana ena kuti amona. Cisuma, fimo muli fyena ifyuni, ilyo fyena fyaya apasansama nge fyo fyena filingile ukuba, fyena filaba ifyapofula nga kasusu. Kibili ulya e musango na . . . Cisuma, ilyo bena basha cilya cisumino, bena tabeshiba nangu cimo palwa Cena lyena. “Inshiku sha fipeshamano shalipita,” cinshi? Bena tekuti bamone Cena.

²⁶ Lelo bakapumpe kuti bayu mu myulu, kibili imyulu iya Mulu pa mulu palya. Busuma nshi cena cicita ukuya pa mulu Palya nga imwe tekuti mumone? Owe, ndi uwansansa nganshi ukuba umo uwa bena, kibili ukwampana ne finsa ifingi ifyaisulamo bena nomba.

²⁷ Natupilibule mu Cipingo ca Kale, mwi Buku lya Mapinda, ilyalembwa na Solomoni, umo pa muntu uwa mano nganshi mwi sonde, kunse kakwa Shikulwifwe Yesu. Lelo Ena tali filya fine nga Solomoni, icakutila Solomoni ali muntu uwafyelwe ku mwanakashi kibili afyelwe kuli wishi wa pe sonde, Dabidi. Lelo Yesu ali Umwana uwafyelwe muli na cisungu, kibili ena tali fyonse umuntu; lelo Ena ali ni Lesa, Umuntu-Lesa, kibili Ena ali ukucila umuntu, Ena ali umuntu ukulundapo. Mwamona? Lelo Solomoni ali fye umuntu nga imwe na ine, kibili alombele Lesa ukumupela amano, ukutungulula ubufumu bwakwe. Kibili ena alikwete icabupe ca mano, umuntu uwacenjela nganshi uo

twatala ukwishibapo kunse kakwa Shikulwifwe. Ena alembele Amapinda, kabili ndetontonkanya yena yasuma nganshi.

²⁸ Kibili ifwe twalapilibwila nomba mwi Buku lya Mapinda, icipandwa ca 1, kabili, atemwa icipandwa ca 2, ntile, kabili ama vesi ayanono ayakubalilapo aya Mapinda, ica 2, ukutendeka na 1. Amapinda 2, ukutendeka na 1, ukutwalilila kwa kwa Solomoni ukupanda amano abana bakwe, “We mwana wandi, nga kuti wapokelela...” Njeleleniko.

²⁹ Cena Mapinda 3:1. Njeleleniko. Nacilolekesha kuno lubali pe-pe buku lyandi, kabili ndemonia ukutila cena Mapinda 3 mu cifulo ca 1 atemwa na 2. Njeleleniko. Amapinda 3:1.

We mwana wandi, wilaba amalango yandi; na mafunde yandi leka mutima obe uyalinde:

Pantu ukutantalila kwa nshiku, ne myaka ya mweo, no mutende, yakaba... yakalundako kuli iwe.

Wileka uluse ne cishinka fikutaluke: fikake mu mukoshi obe; filembe pa cipampa ca mutima obe:

E fyo ukasanga ububile no kushilimuka kusuma mu menso yakwa Lesa na ya bantu.

Tetekela YEHOVA umutima obe onse; no kwiluka kobe we mwine wishintililako.

Uko konse wenda umwishibe, nao akatambalika inshila shobe.

³⁰ Owe, ndetontonkanya lilya li Lembo ilyawama nganshi! Nomba ndefwaya ukusenda nge sambililo, ukufuma mu—mu vesi 5, *No Kwiluka Kobe We Mwine Wishintililako*.

³¹ Nomba ili lili i—isambililo ilyeni nganshi ku bushiku ubo tuleikalamo, pantu ukukoncomesha ilelo kwaba mucine ukwabikwa pa masambililo kabili pa kwiluka kwesu fwebene pa fintu, ubushiku bwa—bwa kusambilila. Lelo tulesanga ukutila pano ukutila iyi nsoselo iyeni, nga yambi Amalembo, yalikwata icifulo caiko, kabili tulesubila ukutila Lesa ali no kutuleka ifwe ukumona uko icifulo cibelete.

³² Ilelo tulatuma abana besu ku sukulu, ukukwata ukwiluka. Elyo panuma ilyo bapwisha na ma sukulu ya kubelenga, ifwe tulabatuma kwi sukulu likalamba ku kwiluka kusuma ukwa kwishiba. Elyo ilyo bena bapwisha kulya, bambo abana balaba abashuka nganshi ukuya ku koleji, kabili ukuya ukupita mu koleji ukupwisha amasambililo yabo no kwiluka kwabo ukwa kwishiba. Ifyo bena besa mukukwatilamo... Inshita ishingi, ukukwata incito, imwe mulingile ukukwata nalimo ukwiluka kwe sukulu lya pa mulu, atemwa amasambililo ya ku koleji, atemwa nafimbipo.

³³ Nomba, Solomoni uwa mano alitwebele ukutila, “te cakwesha ukushintilila kuli kwena, ukwiluka kwesu fwebene;

mwi shintilila pali ifi fintu.” Pantu, ifwe tulasunguka mulandunshi ukutila ena engasosa icintu nge ci, pantu ni pa mulandu wa kutila ilingi line ukwiluka kwesu ukupya kwaba ilingi line amano ya muntu, ico caba icapusana ku Cebo cakwa Lesa. Ndetontonkanya ukutila filya efyo Solomoni aleesha ukupanda amano abana bakwe, tacali ukuba abatutu, lelo tabalingile ukushintilila ku kwiluka kwabo.

³⁴ Kibili ine ndetontonkanya cena kuti caba ukukoselesha ukusuma ilelo, nga ifwe twalisosele ku bana besu kibili na kubana bakwa Lesa, ukutila, cena cili fye bwino ukukwata amasambililo, tapaba nangu cimo icakususha cilya; lelo ilyo yalya masambililo yali ayapusana ku Cebo cakwa Lesa, lyena shintilileni ku Cebo kibili lekeni amasambililo yenu yabe, mwamona, pantu, Icebo. Kibili amasambililo yakeminina kibili yaka mupela incito isuma, nalimo ukwikala kusuma pakati ka bantu abasambilila, lelo, cilya cili fye bwino, ico nalimo cikaba ubwafwilisho ubukalamba kuli imwe, ukumwafwilisha mufya ndalamu shenu kibili ubwenu—ubwikashi bwenu, ukulenga ubwikashi nalimo ukuwaminako panono kuli imwe.

³⁵ Lelo ibukisha icintu cimo, we mwana wandi, iwe ulingile ukufwa. Te mulandu ubwingi bwa masambililo wakwata, ubwingi bwafya ntambi wingakwata ukwishiha, iwe ulingile ukukumanya imfwa, pantu calilembwa, ukutila, “Umuntu alingile ukufwa, kibili panuna ya cilya Bupingushi.” Kibili Lesa, ilyo... Imfwa tayabipa nganshi, lelo ukwisa ku Bupingushi e ciputulwa icabipa. Nomba, imwe kuti mwafwa, “lelo panuma ya cilya Bupingushi.” Kibili Lesa takepushe kuli imwe ubwingi bwa masambililo mwakwete ilyo mwali pano pe sonde, ubwingi bwakwishiha ubo mwaishile kwata, nga cakutila mwalikwete Bachelor wa Art, atemwa ili yonse degree iyo imwe mwingakwata, nangula nga kapyunga. Cena tacakafwaikwe kuli imwe.

³⁶ Lelo cikesafwaikwa, kuli imwe, ico mwacitile pa lwakwiluka palwa Cebo cakwa Lesa. Kulya eko icifwaikwa cishila, pantu Cilya. Amasambililo yenu yali fye bwino. Lelo Icebo cakwa Lesa e Mweo. “Icebo candi e Mweo,” kibili ukwishiha Cena e Mweo. Kibili Ena, Atile, “Ukwishiha Wene.” Ena e Cebo. E ico imwe kuti mwaishiba fye Wene ne Cebo, pantu Ena e Cebo. Ulya e musango fye weka imwe mukeshibilamo Wene, caba ku Cebo Cakwe.

³⁷ Umo muntu kuti aisa no kusosa, “*uyu e Lesa*,” atemwa “*ulya e Lesa*,” atemwa “*uyu e Lesa*,” atemwa, “*ici e calungama*,” kibili “*cilya e calungama*,” lelo ifwe tulabwelela ku Cebo, ico caba Icine.

³⁸ Kibili Icebo caba fye nga u—ulutanda lwa ku Kulyo, e lutanda ulwa cine. Te mulandu ni nshila nshi isonde lileelalamo, lulyo lutanda lwa ku Kulyo lwabikwa pakati ke sonde. Imwe

mulabika compass yenu ku lutanda lwa ku Kulyo. Lwena lyonse lwaba pakati ke sonde. Intanda shimbi shelela mumbali pamo ne calo, lelo ulutanda lwa ku Kulyo talutenshiwa.

³⁹ Nomba kampasi e Mupashi wa Mushilo, kabilo (ce) icenu—icenu icakushintililako kuti caba ulutanda lwa ku Kulyo, e ico Mupashi wa Mushilo lyonse akasontelela ku Cebo. Mupashi wa Mushilo takatale ukumutungulwila imwe ku cintu cimbi kano ku Cebo cakwa Lesa. E ico musango nshi umuntu engasuminina icisumino, ilyo cena calipusana ne Cebo, kabilo elyo nalyo line ukusosa ena alikwata Mupashi wa Mushilo? Mupashi wa Mushilo kuti amusontelela ukumutalusha kuli cilya. Cena cisenda Mupashi wa Mushilo ukusontelela imwe ku Cebo, pantu Ena e Cebo. Ena e Cebo, kabilo Cena kuti cacita fye...nge fyo i—nge fyo icikasha muli compass yabikwa fye ukutonta ku Ncende ya ku Kulyo, ulya e musango fye weka inga sontelamo. Kabilo ilyo Mupashi wa Mushilo e Mwine kabilo Kalemba, kabilo kapela wa mweo ku Cebo, musango nshi Wene engasontelela umuntu ku cintu cimbi icashala kano Icebo?

⁴⁰ E ico ilyo muntu asosa bena balikwata Mupashi wa Mushilo, no kusumina icintu cimo icapusana ku Cebo, cena cilangisha ukutila cilya te Mupashi wa Mushilo uwa cine uo bakwata. Mwamona? Cena kuti caba icipuku, ine tekuti ntalikishe cilya, lelo cena—cena tacaba Mupashi wa Mushilo wakwa Kristu. Nomba, namwishiba, inshita ishingi, bena balasenda imipashi ya umo no mubiye; kabilo e ico cilya limbi kuti casontelela, kwati mwi bumba lya bantu, ku cintu cimo, lelo cena teti—cena teti cisontelele kuli Kristu. Lelo Mupashi wa Mushilo lyonse usontelela kuli Kristu, kabilo Kristu e Cebo.

⁴¹ Ifwe tulemona ici palwalala nganshi muli Baibebe. Atemwa, ndacita. Nalimo ine limbi kuti nalufyanya, lelo, mu matontonkanyo yandi, lelo nshiletontonkanya ifyo; pantu, ukutila, ici: "Wishintilila ku kwiluka kobe we mwine pa fintu." Nga iwe washintilila ku kwiluka kobe we mwine, lyena iwe uli no kufuma mu nshila iyalingama. Iwe tekuti ushaintilile ku kwiluka kwa muntu umbi, ilyo caisa ku Mweo. Ukusanga Umweo, iwe ulingile ukushintilila ku Cebo. Cilya e Mweo.

⁴² Tulemona ici, ukufuma mu kutendeka. Cena calilengwa ukwishesibikwa palwalala nganshi kuli ifwe, ukufuma ku ntendekelo, ukutila Lesa apele ulupwa lwakwe ulwakubalilapo pe sonde, Icebo Cakwe, ukwikalilako. Icebo Cakwe ceka, cali icakwikalilako. Nomba, cilya tacaba ukupitila mu kulya icakulya, kabilo na fimbipo. Lelo Icebo cakwe eco bali no kwikalilako, Umuyayaya. Kabilo ilyo lyonse ilyo basungile cilya Cebo, balikele Umuyayaya. Lelo iciputulwa fye icinono ica lilye shiwi lya cilya Cebo cabikilwe pambi, umunyololo onse waliputwike, kabilo umutundu wa bantunse waingile mu mfwa. Mwamona, nomba ifwe tulemona.

⁴³ Efa, uyo ukwabula ukutwishiaka ali umuntu uwa mano; uwantanshi ukufuma fye kuli Adamu, uyo wali u—umwana wakwa Lesa. Kibili Efa, mucine pa kuba muli cilye cifulo uko kushali ulubembu, takwali icifulo ca lubembu, ena mucine alingile alikwete ilyano ilyawama pafyo Lesa ali. Pantu, cila cungulo, ena no mulume wakwe baleenda mukantelelwe akebala, mu cungulo bushiku, no kulanda icinso ne cinso na Lesa. Efyo ca—icintu icabula amano ico muntu uyo wingenda icinso ne cinso na Lesa, cila bushiku, kibili elyo kuti apilibukila ku cakwelenganya ukwa cintu cimo ico calengele wene ukwelenganya ukataluka ukufuma ku Cebo cakwa Lesa!

⁴⁴ Ifwe tucili twalibakwata bena. Bena balapelwa ukwelenganya ukwabulo bwafya ukufuma ku Cebo cakwa Lesa, panuma ya kwikala mu Mulola wakwa Lesa. UKumona Icebo cakwa Lesa ukushimikilwa, Icebo cakwa Lesa ukulengwo kumonekela, bacakolwa na ba bembu besa ku cipailo kibili balapilibulwa no kulengwa ifibumbwa fipywa muli Kristu, abantu aba mibebe ya bipa ukulengwa ba na mayo kibili na baume abatekanya; kibili elyo ukupilibuka ukufuma kuli cilya cintu icapalwa ico cabatungulwile kuli uyu Mweo, kibili elyo ukuba uwapondamikwa ukukonkelesha umusango umo uwacisumino, ukwisaba uwalumbukwa nganshi atemwa—atemwa ukuya mu fyo bali no kwita ibumba ilyawamisha ilya bantu.

⁴⁵ Cinshi, imwe mwaba mwi bumba ilyawamisha ilyo lyabapo: abana baume na bana banakashii bakwa Lesa. Cisuma, nalitemwa lilye bumba bwino ukucila ifyo ningacita ne sha mfumu shonse na ba cilolo, kibili ifintu fyonse ifyashala. Mpensi lilye bumba ilya petama ilya bantu, nga bena tabeshibe ukuboko kwabo ukwa kulyo ukulekanya no kwa kuso kwabo! Cikulu fye bena balishiba Lesa, no kumutemwa Wene no kubombela Wene, kulya e kusefya ukwa ku Mulu, kuli ine. Ee, mukwai!

⁴⁶ Nomba, tulesanga ukutila Efa balimunashishe ukwabula ubwafya kuli Satana, ukufuma ku Cebo cakwa Lesa, kibili ena ashintilile pa kwiluka kwakwe umwine, pantu Satana aletele icintu cimo kuli ena ico cishali kuli wene ukwiluka ukwa cine ukwa kwa Lesa. Lelo ena alikwete icintu cimo icalandilwe kuli wene no mulwani, Satana, kibili ena alicetekele cena.

⁴⁷ Nomba tulesanga icaishilecitika pali ici. Caposele umutundu onse uwa bantu mu mfwa, pantu mayo wa ntanshi pe sonde, ashintilile ku kwiluka kwakwe umwine, ukupusana ne Cebo cakwa Lesa, no kuposela umutundu onse uwa bantu mu mfwa. Nomba bushe mulecetekela cilya? [Ulukuta Iwatila, “Ameni.” —Ka.] Cilya e Cebo. Cisuma, umwanakashi aba lyonse . . .

⁴⁸ Ulukuta, muli Baibebe, lwaphashanyaniwa ku mwanakashi. Kibili ulukuta ilelo kuti lwasumina umwina wa fishilano atemwa ifisumino, no kuposela ulukuta lonse mukupatulwa ukufuma kuli Lesa. Balya bantu abo abapyanisha filya fintu,

mu cifulo ca Cebo cakwa Lesa, baba fye nga Efa. Kibili cena calicitwapo nshite shingi, mpaka calibika iyi nkulo yonse ukuposwa ukufuma ku Cebo cakwa Lesa.

⁴⁹ Kibili ilyo Icebo calengwa ukumonekela, Icebo casokololwa, bena tekuti basumine Cena, pantu bena tekuti bacicite cena, pantu bena balashintilila ku kwiluka kwabo abene. “Ulu lukuta lwalikulilwe pano. Cena cifulo icaemba. Cena kabungwe akakalamba. Cena ni membala uwa mubili ukalamba uwa bantu. Mulandu nshi ifwe teti tube kuli cilya? Ndi no kusubila muli cena.” Mwisubila mukwiluka kwenu mwebene, lelo subileni mu Cebo cakwa Shikulu!

⁵⁰ Nomba—nomba calipwile, mukulekelesha, mu mfwa ku mutundu onse, nge fyo nacisosa, cimo cine nga nomba, ku bantu abengi abo abashintilila pa kwiluka kwabo abene, ifishilano fyabo ne fisumino, kibili na fimbipo, ukusosa, “Icebo cakwa Lesa tacaba conse icine, ukutila cimo ica Cena caliputwamo kibili cimo tacaba.” Musango nshi mwingsakwata icitetekelo muli Baibele, nge ciputulwa ca Yena caliputwamo kibili iciputulwa ca yena tacaba? Nga cimo, ngo kubelenga kumo kuli ukwalubana, lyena icintu conse kuti caba icalubana. Cena conse cilingile ukuba icalungama, filya fine icalungama.

⁵¹ Kibili yamo muli aya ayetwa ukuba, ayapondamikwa, amasukulu ya Baibele ukusambilisha ukwishesha kwa muntu, ifingi, uko bena besa capamo no kwikala mu kabungwe ka bantu, no kusosa, “Nomba lolekesheni, nge nshiku shafipeshamano, shalipwile mu nshiku sha batumwa.” Kibili abantu abengi ukupitila muli bishop atemwa abaume abacindama, kuti baikala kulya no kusosa, “Cisuma, nga kuti nasuminishanya fye pamo nankwe, ukwabula ukutwishesha lelo ine limbi kuti naba mu mulongo ukukonkapo pa cifulo cakwe.” Mwamona, lyena imwe mulashintilila ku kwiluka kwenu mwebene, mucifulo cakwiminina pa nkasa shenu shibili pa Cebo cakwa Lesa. Cilya e cilenga ifi fintu.

⁵² Inshita imo akale, umo muntu... Nali mukukansana pa musonko. Kibili batile kuli ine, batile, “Cinshi, ama trustees bobe tababa nangu cimo kano tulubi, ndemonia.”

⁵³ Natile, “Nga nalikwete trustee mukabungwe, uyo wakwete ilyano ilya pusana, kibili ena tekuti eminine kibili (nshilesakamana uyo ulelanda palwa cena) kuti alangisha amatontonkanyo yakwe umwine palwa cena, ine kuti na mufumyamo mukabungwe.” Ee, mukwai. Nangula cena cali icapusana ku cisumino candi, ndefwaya ena ukulangisha ico ena aletontonkanya ico cili icalungama. Cilya e co na mubikile palya, kumona ifyo alesosa palwa cena. Lelo ifwe twalikwata cilya.

⁵⁴ Moneni, Yesu atile, muli Yohane Washila 10, “Impanga Shandi shaliishiba Ishiwi Lyandi.” Ishiwi, mucine, e Cebo

Cakwe, ilyo Ena alelanda. "Impanga Shandi shaliishiba Ishiwi Lyandi. Ishiwi Lyandi lyalishininkishiwa kuli shena, ukuba ilya cine. Lyena lyalishininkishiwa ukutila lyena li Shiwi Lyandi." Nomba, nomba moneni, bena tababa aba kunakila ukukonka ishiwi ilili lyonse. Bena teti bacite. "Impanga Shandi shaliishiba Ishiwi Lyandi, kabilo umbi umbi shena tekuti shikonke." Mu mashiwi yambi, shena tekuti shiluke ishiwi lya masambililo ya fya bulesa ilyo lilesambilisha ukupusana ne Cebo. Impanga tashiluka cilya nga filya kapumpe, mailo bushiku, tekuti eluke ukulila kwakwa na nkonko. Bena tabeluka kwena, pantu ena ali ni, kapumpe. Kabilo cilya e cintu cimo cine no wafyalwa cipyia cipyia uwa cine umwana wakwa Lesa, bena beluka fye ifintu ifili fyakwa Lesa.

⁵⁵ Nomba umo muntu atila, "Cisuma, nomba lolekesheni, imwe kuti mwacita *ici*, ndetontonkanya. Cena cili, ndecetekela cena tacili *uyu* musango. Ndecetekela ukutila inshiku sha fipeshamano shalipita. Nshacetekela ukutila kulya e kundapwa kwa Bulesa. Nshacetekela *Ici*." Nomba Umwina Kristu uwa fyalwa cipyia cipyia umwine mwine, cilya tacakatale ukwiminina mu matwi yakwe, ena teluka cena nakalya. Kabilo musango nshi umuntu uyo wacetekela muli Lesa, kabilo kuti abelenga Baibele no kumona ukutila aba cimo cine mailo, ilelo, no muyayaya, akatala ukusumina icintu ca musango nga filya, ine nshiluka cena.

E ico bena tabashintilila ku kwiluka kwabo abene.

⁵⁶ Kwati fye a—akanya. Imwe mukasende akanya akanono, kabilo lekeni fye kena kafyalwe kabilo lekeni fye kena umuku umo kashintilile pa cifula cakwa nyina, ukonka kuli wene, umukaka uwakaba, ukushintilila akamutwe kakwe akanono pa cifuba cakwe, nangula kena kali fye ama ora ayanono mukufyalwa. Mu bushiku bumo atemwa shibili ukufuma lilya, mukafumye kuli nyina no kumupela pa mabele yakwa nacifyashi umbi, kena kakapantaula tulyo tankansa utunono mulwelele no kubilikisha. Ena te nyina. Mwamona, kena kalikwete kale icintu cimo palwa kena, pantu kena kaba iciputulwa cakwa uyu nyina, lelo nomba icifyalilwa calikapele nshila ukwishibilamo nyina wakako akene.

⁵⁷ Kabilo nge cifyalilwa calipela inshila ya kanya ku kwishiba nyina wakako, uko kena kafyalwako, cicilemo pa mwana wakwa Lesa uyo wafyalwa ku Mupashi wakwa Lesa. Ena alishiba Nyina! Alishiba, pantu ena alifyalwa ku Cebo, kabilo ena aleluka Icebo. Mukamubike mucifulo cimbi cimbi, ena mucine ali kunse ka—kunse ka cifulo, ena akafuma mulya bwangu bwangu nge fyo engacita. Pantu ena alikwata, ena tashintilila . . .

Umo muntu atila, "Nomba lolela, mutemwikwa, uyu e noko nomba."

⁵⁸ Ena te nyina, pantu ena alikwata inshila yakwishibilamo ukutila ena aba iciputulwa ica uyu nyina. Ulya e nyina, tapali naumbi uwingasenda icifulo cakwe. Ena alishiba nyina. Moneni ifyo kutila—ifyo kutila cena mucine cabe fyo, Lesa alipanga ifintu fyonge mu musango wa fiko.

⁵⁹ Ingo'mbe mu musango wa shiko. Inshite shingi mukushileta capamo, ifwe tuli no kuleta ibumba lyonse ilya ngo'mbe kabilo no twana utunono, ine nalesunguka ifyo twena twingatala ukwishiwa nyinabo wine. Nomba, shena, shena ukwika ukufuma mu mpili, ingombe ishasankanishiwa capamo. I—i—ingo'mbe iyo yakwata akana, nalimo akana ka ngo'mbe akanono akali ne nsala kuti kaonka panono kuli nyina umbi, nga kena kali ne nsala nganshi; lelo ilyo ifwe twaleshiminika shena, kulya mu mabala, ulya nyina aletendeka ukupita muli lilye bumba lya ngo'mbe no twana twa ngo'mbe mpaka yasanga akaiko iyine, kabilo akana ka ngo'mbe kalebutukila nyina wakako. Kena kalishiba kulyo kungwi'nta ukunono kabilo no kulila kwaiko. Kabilo yena ilalilila kalya kana, kabilo shimbi ishifyashi shilelila mpaka tekuti umfwe we mwine ukutontonkanya, lelo kalya kana ka ngo'mbe akanono kali no kusanga kulyo kwita ukwakwa nyina, pantu kena ciputulwa cakwa nyina.

⁶⁰ Kibili Umwinakristu uwafyalwa cipyapcipya ukufuma ku Mulu, ena aba iciputulwa ca ici Cebo. Cisuma. Nyina umbi ena tekuti akanke. Ena aba iciputulwa ca Cebo. Ena ekala ne Cebo. “Nge ntandala yapela iciunda cimbi, nani uwingaiteyanya ku bulwi?” Paulo efyo asosele. Ena alishiba iciunda ca Cebo. Moneni ifyo—ifyo ici cili, ukuboko kwalingilwa kabela kwa kwa Lesa ukubakonka ukuya pantanshi. Ena alishiba ukutila ena alisontwa, ena ali mu Mbila nsuma iya Cine. Ena alishiba ukutila ena alifyelwe ku Mupashi wa kwa Lesa. Alishiba ukutila Umupashi wakwa Lesa tekuti ukane Icebo cakwa Lesa, e ico kanshi umbi umbi ena takakonke. Moneni umusango . . .

⁶¹ Nacilalolekesha apa lubali pakapepala ako nalembele kuno lubali. Ine—nacililukila kena, lelo ine nacimona fye Amalembu bacibelenga, nacitontonkanya kuti nasontelelako kuli yena nakabili. Moneni ifyo impanga Shakwe shalingilwa kabela sha mukonkele Wene, mulya mwine mu nshiku sha bakasambilila wafya bulesa abakalamba abo twatalile ukukwatapo. Bena baishilefuma, pantu balimwishibe Wene. Bena balishibe ifyo Icebo calaile pali bulya bushiku. Bena balishibe ifyo Mesaya ali no kuba ilyo Ena aishile. Kibili Simon Petero aishile kuli Wene, ico cali fye “Simon” lilya.

⁶² Kibili Andrew alyeseshe ukubeba palwa cilya. “Uyu Muntu ni Mesaya.” Cisuma, Simon, mucine, ena ali nalimo panono uwakosa umutwe, kabilo ena tekuti aye.

⁶³ Lelo ilyo aile mu Mulola wakwa Yesu, ilyo Yesu asosele, “Ishina lyobe niwe Simoni, kabilo niwe mwana Yona.” Nomba

ifwe twalishiba ukutila Yesu aebele abasambi Bakwe ukutila Ena alibeshibe bena, kibili ena, "ilyo mufula we sonde taulalengwa." Bena bali imibebe ya matontonkanyo Yakwe. E ico kanshi, pakuba ukutila ilye mbuto yali muli ena, kibili ena alishibe ukutila Icebo casosele kibili alilaiwe ukutila Mesaya akaba ni kasesema. Kibili ilyo amwene cilya, ena alilekele ukuloba. Ena alishibe lyena ukutila ali no kusha amasumbu yakwe, pantu ena kuti aya—ukuya no kuba umulondo wa bantu. Pantu...

⁶⁴ Nomba, kulya kwaliminine bambi kulya, abo abamwene icintu cine ukucitwa, no kwita cena "umupashi uwabipa." Balya bali bakasambilila ba fya bulesa, pantu cena tacali mu misondele ya kusambilisha kwabo kwa fya bulesa. Kibili bena baishilekana cena, pantu bena bashintilile ku kwiluka kwabo abene, kuli ba doctor babo; ilyo, Yesu Kristu aishile mukufikilisha kwa Cebo ica bulayo, kibili bena bali abapofula nganshi ukumona cena. Bena bashintilile pafyo bashimapepo basosele, kibili na pa fyo lukuta lwasosele, mucifulo pa fyo Lesa asosele.

⁶⁵ Nomba Yesu alibebawile pali cena. Atile, "Fwayeni Amalembo pantu muli Yena mutila mwalikwata Umweo wa Muyayaya. Kibili Yena e ya Nshimiko bunte. Aya Malembo ayo ndemipusha imwe ukufwaya, yena yalamweba ifyo Naba."

⁶⁶ Lelo bena tekuti bashintilile ku fyo Icebo casosele, lelo bena bashintile ku fyo ukwiluka kwabo kwali. Bena bashintilile ku kwiluka kwabo abene. Kibili Amalembo yalatweba ukutila bena balifimbilwe. Icifimbo icabo abene ica masambililo ya fya bulesa cabalengele ukupofushiwa.

Mwatila, "Munyina Branham, ni kwisa uko ulelossha?"

⁶⁷ Ndeisa fye kuli ci. Cilya cintu cilecitika nakabili, mpaka, abaume na banakashi na bantu bali no kushintilila kulukuta lumo ulo bailundako kibili no kubako, te mulandu ifyo Icebo cakwa Lesa cilesosa palwa cena. Bena balatwalilila fye na cilya, ukushintilila pa kwiluka kwabo abene, no kukana Icebo cakwa Lesa, kwati Cena tacacitile (tacatala) nangula ukutala ukulembwa. Yena ni mbuto ishimena iya bumi bwa muntu. Yena yalikwata ubumi bwaku mubili, lelo yena tayakwata ubumi bwa bumupashi muli yena ku kuletwa ku mweo. Icifimbo cali pa finso fyabo.

⁶⁸ Nomba moneni, bena bakwete amatontonkanyo yabo abene pafyo Lesa alingile ukuba, bena bakwete amano yabo abene pafyo Mesaya alingile ukuba. Lelo Icebo casosele ifyo Mesaya ali no kuba! Nomba, mwamona, bena balikwete ukwiluka kwabo abene pa fyo Ena akaba. Ukwabula ukutwishika lelo ifyo shimapopo mukalamba asosele, "Bonse bashimapepo bandi abali pe samba lyandi, nomba ilyo Mesaya akesa... Ifwe twalikula itempile ilikalamba pano. Ifwe twalicita fyonsse fi.

Kabili Baibele itila, ‘Ena akesabwango kwi tempile Lyakwe,’ kabilo na fyonse ifi fintu. Ilyo Ena akacita, Mesaya akesa fye kuno kwine no kuishibisha Umwine pamo na ifwe, no kusosa, ‘Nine Mesaya. Nimfika. Nine ulya Mesaya uo mwalelololapo.’’ Cisuma, ilyo Ena aishileisa, Ena aishile mu musango uwaibela nganshi ukufuma kufyo bena batontonkenye cena cali, bena tabamwishihe Wene. Benat tabaishihe ifyo Ena Ali. Lelo Iyakwe... .

⁶⁹ Kabili nga umo bumbimunda nga lyendele kulya lubali no kusosa, “Nine Mesaya. Nine doctor *Kampanda-na-kampanda*”? Benat ngabalisumine cena.

⁷⁰ Lelo ilyo mwaisa ku Muntu uyo wakwete ukufyalwa kwa mfifi kununa Yakwe, takwali amasambililo aye sukulu ilili lyonse Ena atalile ukuyako, ku kusambilila, takwali seminary iyo Ena akwete, takwali kadi lye senge, lelo Ena ali ubwilulo bwa Cebo cakwa Lesa, ukulengwo kumoneka. “Imilimo, iyo ncita, ilamweba Ifyo Naba. Nga nshilecrite milimo iyo nalaile ukuti nkacita, lyena mwincetekela Ine.”

⁷¹ Kabili bushe teti tupashanye cilya kuli buno bushiku? Ilyo Mupashi wa Mushilo akesa, cilya balefwaya ukubika ku nshita imbi, ilyo Ena akesa mu mulimo kabilo ne filangisho ifya maka Yakwe aya Mweo wa Muyayaya, abantu bafwaya ukwita cena u—u “ukufulungana ukwabipisha.” Cinshi? Benat baleshintilila ku kwiluka kwabo abene, kabilo te ku Cebo cakwa Shikulu. Kabilo mwalishiba cilya cishinka.

⁷² Icakwishibishako, ukutila Lesa, ukwilula Kwakwe kwaba, ukulangisha kwa bulayo.

⁷³ Nalimo kuti nasosa cena, ukucilenga ukuba palwalala panono. Ilyo Lesa alanda Icebo, Ena takabila umwaume uuli onse atemwa umwanakashi uuli onse, atemwa uuli onse uwashala, ukusosa ifyo Cilya cipilibula. Ilyo Asosele... Cisuma, mwatila, “Lesa apilibwile ici.” Lesa apilibula fye ifyo Ena asosa Ena ukuba. Mwamona?

⁷⁴ Nomba musango nshi Ena elwilamo Icebo Cakwe Umwine? Pa kufikilisha Cena. Baibele itila, “Nacisungu akemita,” ali citile. Cilya tacifwaikwa ubwilulo ubuli bonse. Lesa atile, “Nakube ulubuuto,” kabilo e ko lwali. Cilya tacifwaikwa ubwilulo ubuli bonse.

⁷⁵ Lesa atile, nacimbi, ukutila muli ishi nshiku shakulekelesha, “Ena akapongolwela Umupashi Wakwe pa bantunse bonse,” kabilo Ena nacicita cena. Cilya tacifwaikwa ubwilulo ubuli bonse. Cilya cifwaikwa fye ukusumina, umuntu umo ukusumina ifyo Lesa acita. Cilya tacifwaikwa ubwilulo. Lesa alelula Icebo Cakwe Umwine. Lesa alilaile ifintu ifyo tumona, akasuba na kasuba, ukutila Ena akacicita mubushiku bwakulekelesha.

⁷⁶ Abantu ilelo, nge fyo cali lilya, bena balashintilila pa kwiluka kwabo abene. “Kacema wandi asosa ukutila kulya

‘kufulungana.’’ Lelo Baibele itila cena cikacitika. Kwiluka kwa kwa ani muli no kushintililapo?

⁷⁷ Baibele yalilaila mu nshiku shakulekelesha, ukutila, ‘Inshita ya lukuta lwa Laodikea ikaba iya nonka nganshi, no kuba nganshi kuli- . . . atemwa mukulinga ukwabo abene, ‘Ndi uwa nonka. Nshile kabila kantu. Ninjikala nga na mfumu.’’ Kabili ena ali nonka. Kabili Atile, ‘Iwe no kucishiba tawacishiba ukutila uli uwa nkumba bulili.’ Nomba ilya e nshita yonse iya lukuta, ulukuta! ‘Kulukuta lwa Laodikea, iwe uli ubwamba, impofu, umubusu, umulanda, no kucishiba tawacishiba.’ Ukwikala mu fyuma fyakwe, imyanda mishila ukufusha imyanda mishila, kabili amakana ya ba membala, ubunonshi ubwe sonde mu kuboko kwakwe, mupepi. Ukubika fyonse capamo, ukufika nelelo, pamo no lukuta lwa Katolika kabili na ma Protestant, capamo, ilyo bena baleya capamo, bena balikwata ubunonshi bwe sonde.

⁷⁸ Ifwe tatwakwata muli ino nko, mupepi fye. Ifwe tuleashima pa musonko uo ukalipilwa mu myaka amakumi yane ukufuma nomba, efyo ba njeba, efyo basosele mu *Life Line*. Imisonko, ifwe tulebomfy a nomba, shikalipilwa imyaka amakumi yane ukufuma nomba. Umwishikulu wandi umunono, nga Yesu akokola, imisonko iyo akalalipila ilyo akaba imyaka yakufyalwa amakumi yane, ifwe tulebomfy a shena nomba. Ukutuma ubwafwilisho ku fyalo fimb, kabili ba Nsamya besu fwebene ne fintu ukufwa ne nsala; ukwesha ukushita isenge. Imwe teti mushite senge. Imwe tamulingile ukushita cibusa. Iyo, lelo cilya eco tulecita. Ulya e musango ifwe, twatantikilamo, ukusonkesha abantu ku cintu conse ico bakumako, umusonko, umusonko, umusonko. Kabili ifwe tatwakafume mu nkongole sha nkondo pa—pa myaka imyanda nomba. Ndemona, isho twabikwamo kuli ba politishani. Kabili nomba ifwe tatulingile ukuba ulya musango. Tapali umulandu uwa ifwe ukuba ulya musango.

⁷⁹ Lelo inkuta, ishine, na shinonka. ‘Mupepi icuma ce sonde,’’ efyo Baibele isosa, ‘caba mu lukuta lwa Katolika.’ Ulya e mulandu wine Russia atamfishe lwena, umulandu Russia atamfishe lwena. Ilyo yali imishila ine iya communism, pantu ulukuta lwasambilishe ukuba icintu cimo, bena tabali nakalya ku bashala mwi sonde.

⁸⁰ Ilyo twali kulya mu Finland, ulyo mulumendo umunono abushiwe ukufuma ku bafwa. Kulya kwaliminine balya abashilika abena Russia ukukutumana, kabili batile, ‘Ifwe kuti twapokelela Lesa uyo wingemya abafwa.’

⁸¹ Ifwe twalipanga ifilonganino, kabili amasukulu kabili—kabili ifikulwa, no kuafilwa ukucita ifyo Yesu atwebele ukucita, cali ‘Ukushimikila Imbila nsuma.’ Ifwe twalyesha ukusambilisha isonde. Ena tatalile ukusosa, ‘Sambilisheni isonde; uyo wasambilila akapusuka.’ Imwe mulingile ukufyalwa

cipyä cipyä, ukwisushiwa no Mupashi. Ulya e mulandu wine ifwe twafililwe ububi nganshi, ukuli konse. Mwamona, ifwe twalikwata icuma, ifwe twalikwata icintu.

⁸² Nomba ni cinshi icili no kucitika? Kibili ilyo ulu lukuta, Akabungwe ka Machalichi ye Sonde, kaisa capamo, bushe tamulemona uyo uli no kwisa tungulula? Bushe imwe ba Methodist na ba Presbyterians tamuleiluka cilya, imwe mwe bashala, nangula kuli ba Pentecostal? Mulesosa ukutila tamwakengilemo. Imwe limbi muli no kwingilamo nga te ifyo muli nokonaula icilonganino. Mulì no kucita ici atemwa icibiyé. Cena cili fye kuntanshi yenu. Imwe mulingile ukucicita cena. Cena kupatikisha, ululembo lwa ciswango. Kibili filya efyo cena cili, filya fine fye. Ubwina filonganino mucine (ine kuti nashininkisha cena na Baibebe) e lulembo lwa ciswango. “Lwena lwali ni cilende mukalamba; lwena lwakwete abana banakashi bacilende.” Kibili ifwe twalishiba ukutila cilya Cishinka. Bukapepa ubwabunganishiwa, caba icapusana ku Cebo, kibili cena caba munkanyakristu mu mafunde ya ciko. Te fintu fyonse mulya ifyaba munkanyakristu; lelo mu mafunde yaciko, cena mibombele yaciko ni munkanyakristu, pantu cena cisusha Icebo cakwa Lesa. Imibombele yonse iyabunganishiwa yaba ulya musango.

⁸³ Mwacimone co, mwamona, kibili imwe mulashintilia kukwa muntu umbi ukwilu-...ukwiluka kwabo, mucifulo ica kushintilila ku kwiluka kwa kwa Lesa, pafyo Lesa asosele palwa cena. Ulya e mulandu wine cabela icilubo. Abalumendo balaya ku maseminary abo abakwata amasambililo ayasuma, ukuya kuli aya masukulu aya Baibebe, ayetwa ukuba. Kibili nalimo bena balikwata—balikwata ubwite bwakwa Lesa mu mutima wabo. Kibili bena balaya kunse kulya kibili bena balingililwa nganshi ne cimonwa cimo, ukutila, “*Kampanda-na-kampanda* asosele cena, Bishop *Kampanda-na-kampanda*. *Uyu* umo asosele cena. *Ulya* umo asosele cena. Akabungwe ka bantu kalisuminishe ine, *uyu* musango cilingile ukuba.”

⁸⁴ Nshilesakamana ifyo muntu uuli onse alefwaya ukusosa! Yesu atile, “Lekeni ishiwi lya muntu onse libe lya bufi, ne Lyandi libe lya Cine. Te mulandu nga lyakwa ani, Ilyandi libe ilya Cine!”

⁸⁵ Nomba musango nshi twishibilamo ico cili Cine? Ilyo Baibebe ilanda ukutila icintu cimo cili no kucitika, ukutila icintu cimo cili nokucitika, kibili cena cilacitika ulya musango.

⁸⁶ Nomba, Baibebe itila, “Muli ena mwali u—ubunonshi bwe sonde; golde, silfere.”

⁸⁷ Nomba nga tuli pelamfyä lya golde, kibili ifwe tatukwete, nomba ni cinshi icili no kwisa citika? Ni cinshi icili no kwisa citika? Namwishiba, abantu abacuma aba ino nko, aya mafakitoli ayakalamba, kibili abaume ba wisiki na baume bafwaka, kibili na fimbipo nga filya, tafyakeminine ukupilibula

indalama, e ico icintu fye ceka ico tuli no kucita kwashima shena. Kibili kwaba fye icifulo cimo uko twingashima shena. Kibili ilyo twacita, ifwe tulashitisha ama bubeli yesu kuli shena. Cilya cishinka. Lyena ni cinshi ico muli no kucita? Imwe mwalishitwa kuli shena, ilya e mibombele. Takuli icintu na cimbi, ico imwe mwinka cita.

⁸⁸ Owe, mwe bantu, mwitontonkanya ine... Imwe limbi kuti mwatontonkanya ndi uwafulungana. Lelo ilyo ishiwi lyandi likatalalikwa tondolo mumfwa, aya matepu yakatwalilila ukulalila, kibili imwe mukeshiba ukutila ifyo nasosa nafisa mukufikilishiwa. Ine kuti naba umuntu uwatumpa nganshi ukukwata ukwiminina uko nasenda, ukuba no wakususha ici cintu, ine—ine kuti naba—ine kuti naba uwakususha Lesa, ine kuti naba uwakususha ifintu fyone ifyo fyaba Lesa, nga ine (nga nalikwete) nali uwalubana mu matontonkanyo yandi na mubwite bwandi. Icintu kuti caba icakususha Lesa. Lelo nalisenda ukwiminina kwandi pantu ndacimona umu mu Cebo. Cena Cebo cakwa Lesa. Elyo ndacimona cena ukushininkishiwa, ukushininkishiwa ukutila cena Cine. Bulya e bwilulo ubo Lesa apela pa Cebo Cakwe. Ukwilula kwa kwa Lesa umwine kwa Cebo Cakwe caba umusango Ena ashininkishamo Cena no kulenga Cena ukuba icine.

⁸⁹ Mulandu nshi aba baFariseo bali abapofula? Cinshi icabalengele bena ukuba abapofula nganshi? Pantu bena tekuti basumine ubusokololo atemwa icishininkisho ca Cebo.

⁹⁰ Kibili ulya e mulandu wine ilelo uo inkuta shapofwila, ni pa mulandu bena tekuti basumine ubusokololo ubo buleshininkishiwa. Nge Cebo efyo casosa, kibili Cena casokololwa, kibili elyo cena cashininkishiwa, nalyo line bena tekuti basumine Cena.

⁹¹ Ulya e mulandu wine aba baYuda, abaYuda mpaka buno bushiku, tabakacite. Imwe tekuti mulande kuli bena palwa kwa Kristu, pantu icifimbo cicili pa menso yabo, balipofushiwa.

⁹² Kibili ulukuta, imwe teti mulande kuli bena pa Mbila nsuma yonse na maka yakwa Lesa, pantu umulungu wa ili sonde ali bapofwisha ukufuma ku fishinka fyakwa Lesa, kibili bena bashintilila ku kwiluka kwabo abene. Ilyo abanakashi baisa mu lukuta no kubeyako imishishi yabo, pantu ba kacema wabo balabeba, “Owe, cilya cili fye bwino. Ulya muntu alifulungana.” Lelo Baibebe isoso kutila ena apange cilubo ilyo ena acicita, Lesa alakana ukwasuka ipepo lyakwe. Kibili bamo muli bena abanakashi balaleta umusebanya naumbi, kibili balesha ukuba kashimikila, lyena acita imilandu ibili. Baibebe isoso kutila ena talingile ukucita cilya, nangu cimo pali cena. Lelo lukuta lwa kabungwe luli no kupokelela cena, nokusonta wene no kumutuma kunse. Bena balashintilila ku kwiluka kwabo abene!

⁹³ Cimo Icebo cakwa Lesa ukubikwa pambi, atemwa ukwilwila mumbi, atemwa Cena uku kanacisumina, cilapputaula Umunyololo onse. “Umuntu takabe no mweo ku cilyo ceka, lelo ku Cebo conse ico cifuma ku kanwa kakwa Lesa.

⁹⁴ Cinshi cabela, abanakashi, imwe mulangu’mfwa ukushimikila ukukanya ifi fintu, ifyakufwala bakaputula, no kupenta, kibili—kibili ne miwamishishe ya mishishi iya ifi kuno ne mishishi iyabeyewa, na yonse ilye misango ya fintu, kibili elyo cila mwaka ngana bwela imwe mucili namwikala mu mibele imo ine? Ni pamulandu imwe mushintilila pa kwiluka kwenu mwebene mucifulo ca Cebo cakwa Shikulu.

⁹⁵ Kibili, ba kacema, mulandu nshi tamuwamisha ama chalichi yenu? Pantu mulaya ku cisumino ca cilonganino cenu mucifulo ca Cebo cakwa Shikulu. Cilya cishinka. Nokwiluka kobe we mwine wishintililako. Cisuma, nokwiluka kobe we mwine wishintililako, kano pa Cebo cakwa Shikulu.

⁹⁶ Bena tekuti basumine cena, pantu bena tekuti basumine ukushininkisha. Yesu aishile pamo ne—ne Mbila nsuma, filya fine fye umusango Ena asosele Ena akeshilamo. Nangula inshita ishingi . . .

⁹⁷ Yohane ali uwafulunganishiwako panono ilyo ena aposelwe mu cifungo, kibili ena—ena aile kulya lubali... Kibili ena alishimikile ukutila kwali no “Kwisa Mesaya, Uo lupe luli mu minwe Yakwe; Ena akelulule cipumino Cakwe, no koce misungu mu mulilo ushingashimishiwa, nokututila ne ngano mu butala.” Umupashi wakwa Lesa ukuleta, ukufuma muli Wene kwati ka fukauka. Kibili elyo ilyo ena amwene Yesu ukwisa mukumonekela, umunono, uwafuka, Umuntu uwapala ngo wapetama ukulansunkilwa uku no ku, ukubutukila uku, pa bumi Bwakwe, kibili kulya lubali. Cinshi, bena tabacitile . . .

⁹⁸ Yohane alifililwe ukwiluka cena, e ico atumine bambo abasambi bakwe ukuyaipusha kuli Yesu nga Ena mucine ali Eo. Ifyo cali ica musebanya kuli Yesu! Panuma ilyo ulya kasesema aiminine kulya mu menshi, ne Cebo cakwa Lesa, atile, “Nalimwishibe Wene, pantu nalimwene u—Umupashi wa Mushilo, nge nkuda, Lesa ukwika ukufuma ku Mulu nge nkunda no kwingila muli Wene, kibili naumfwile Ishiwi ukufuma ku Mulu, ukusosa, ‘Uyu e Mwana Wandu uwatemwikwa,’ kibili elyo Yohane atile, “Kabiyen no kwipusha Wene nga mucine Ena ali Eo, nalimo—nalimo—nalimo, ‘Bushe tulolele umbi?’”

⁹⁹ Nomba Yesu tatalile ukutumina ena ibuku ilya fya ukuicindika mucifungo, atemwa lukuta nshi ulo ali no kuilundako. Lelo Ena Atile, “Loleleni pa kashita no kulolekesha ifyo filecitika, kibili elyo muleya mukulangisha Yohane ifintu ifyo mulemona no kucitwa,” pantu ukutila imilimo Yakwe iyo Ena acitile yalishininkishe Wene ukuba Mesaya, Umwana wakwa Lesa. “Alishuka uyo ushaipununa muli Ine.”

¹⁰⁰ Abengi nganshi baba abapununshiwa. Abantu abengi nganshi balapununshiwa ukwabula ubwafya pa Cebo cakwa Lesa. Cena—cena cintu capusana, bena bafwaya ukushintilila ukwiluka kwabo abene. Bena tabafwaya ukusenda Icebo cakwa Shikulu. Kibili bena balingile ukuya umusango fye uo bena—ubo bena basambilishiwe ukwendelamo. Kibili umusango uo bena basambilishiwemo, ulukuta lwabo lushintilila pali cena. Te mulandu nga Lesa alilaile Ena ukucicita—Ena akaleka iloke, akakwate mfula mulucelo, kibili ulukuta lwatile, “bulya buwelewele,” bena kuti bacetekela ulukuta mucifulo ca kwa Lesa. Pa mulandu wa nshi? Bena bafyalwa ku lukuta.

¹⁰¹ Lelo muntu wafyalwa kuli Lesa, aba ni mbuto yakwa Lesa. Kibili mbuto yakwa Lesa e Cebo cakwa Lesa, kibili ena ekalila fye kuli Cilya. Ulya e Mweo wakwe.

¹⁰² Nomba, bena bashintilile ku kwiluka kwabo abene, lelo bena tabalefwaya ukushintilila pa Cebo cakwa Lesa. Bena balishibe bwino. Cena cali mu Malembo. Bena baitile cena “umupashi wakowela,” ulyo Muntu. Pantu cinshi? Ba shimapepo babo batile, “Uuli onse uyo ukaya ukumfwa uyu Muntu ukushimikila, bena bakatamfiwa mu sunagoge.”

¹⁰³ Ilyo muntu aundepwe uyo wali mpofu limo, kuli Yesu. Nangula abafyashi bakwe, abansansa nganshi palwa kundapwa, lelo bali no mwenso ukulumbula ukutila cali ni Yesu uwacicitile cena. Ee.

Atile—atile, “Bushe uyu mwana obe?”

Atile, “Ee.”

Atile, “Nani uwa mulengele ukuba umutuntulu?”

¹⁰⁴ Atile, “Ine—nshaishiba.” Atile, “Ena mukalamba, mumwipushe. Ena, ena kuti ailandila umwine.”

¹⁰⁵ Pantu, calilandwa, ukutila, “umuntu uuli onse uyo washintilile ku Yakwe, ukwiluka kwakwa Kristu,” mucifulo cakwiluka kwabo, “akatamfiwa mulukuta lwabo.” Nomba bushe cilya te cimo cine fye? Ndemwipusha ili kankala, ilipusho ilya fye. [Ulukuta lwatila, “Ameni.”—Ka.] Cilya cishinka. Cilya caleta icintu cimo cine. Te mulandu ifyo Lesa acita, cena cilingile ukuba ukulingana no kwiluka kwabo abene, te cilya ico Lesa ashinkisha ukuba Icine. Nomba, kibili ulyo mwaume alikwete ubwasuko, nangula.

Atile, “Nani uwakundepe?”

Atile, “Ulya uwitwa Yesu wa ku Nasaleti.”

Atile, “Ena mubembu. Ifwe tatwaishiba uko Ena afuma.”

¹⁰⁶ Atile, “Nomba cilya cintu iceni. Imwe mwalingile ukuba intungulushi sha ino ora. Kibili pano uyu mwaume aisula amenso yandi, cilya tacacitwapo ukutula ilyo isonde lyatendeke,

kabili nomba mulesosa kutila imwe tamwaishiba uko Ena afuma.” Owe, mwe!

¹⁰⁷ Cinshi? Bena bashintilile ku kwiluka kwabo abene mucifulo ca Cebo cakwa Shikulu. Pantu Esaya atile, “Impofu shikamona, abalemana bakatoloka nge nsebulu, ifiswebebe fikakwata ukusangalala.” Lelo mulemona bena bashintilile ukwiluka kwabo abene, te ku Cebo; imibombele yabo abene iyo bapangile.

¹⁰⁸ Nomba moneni inkuta shelelo ukucita icintu cimo cine. Bena balipanga umutundu ukalamba uwapulamo uwakwiluka, mu mibombele yabo iya cilonganino. Ukutila, bena balikwata ukwiluka ukwapulamo ukwa musango ifi, bena tabafwaya nangu umo ukutumpinkana na cena, nangu umo ukwisamo kano fye baba kuli lilye bumba.

¹⁰⁹ Mwinjeba; njikala mu Tucson, Arizona. Naile kulya lubali imyaka itatu iyapitapo, ine nalikumenye akabungwe ka machalichi, kabili natile, “Nshatala ukwisa ukutendeka ulukuta. Naisa mukulongana na imwe. Naisa kukumwafwilisha imwe. Nine minshoni, kabilia wa mbila nsuma, conse ico ncita.”

Batile, “Bushe muleisa kuno ukutendeka ulukuta?”

¹¹⁰ Natile, “Iyo, mukwai. Naishile kuno... Nga ndefwaya ulukuta, nalikwata lumo mu Indiana.” Natile, “Naishile kuno pantu Shikulu alintungulwile kuno mucimonwa. Ndi no kwikala pakashita nomba, kano fye Ena antungulwila kumbi, lelo ine nshaishile ukutendeka ulukuta. Naishile ukwafwilisha imwe ba munyina.”

¹¹¹ Cilya caba imyaka itatu iyapitapo. Nshatala lalikwapo ku cifulo cimo. Cinshi? Pantu kwaliko ukwisa capamo panuma ya cilya, kabili batile, ngo muntu uuli onse aishile mbika ine mu cintamba cabu, bena kuti batamfyu ulya kashimikila. Mwamona? Cinshi? Ukushintilila ukwiluka kwabo abene! Mucine, balya e baitunga ukuba, bena balapanga ukwiluka kwabo ukwapulamo.

¹¹² Kano fye mwabika ishina lyenu pe buku lyabo, imwe muli... imwe muli abaluba. Kapyunga alinjebele cilya. “Owe,” mwatila, “ulya ali ushaishibisha umo.” Cena cali ni Pentecostal.

¹¹³ Jack Moore na ine twaikeli kulya no kukutika kuli ena mu Dallas, Texas. Atile ena ali, “Ali no kufumya umuntu ukufuma mwi buku.”

Natile, “Mulandu nshi?”

“Pantu ena alelongana na iwe.”

Natile, “Cisuma, lifumyenimo.”

Atile, “Cisuma, ena naluba lyena.”

Natile, “Ukuluba?”

“Cinshi,” atile, “ngeshina lyakwe talilimo muli lyena!”

¹¹⁴ Natile, “Ulenjeba iwe uli district prebyster no kucetekela cilya?”

Atile, “Cilya e cishinka.”

¹¹⁵ Natile, “Fuma pali lamyia, we mwaume. Iwe, iwe... Shilya te nkumbu shakwa Lesa, cilya—cilya, mwamona.”

¹¹⁶ “Pantu ku Mupashi umo ifwe bonse tulabatishiwa mu Mubili umo, kabili tulesa mukuba ba membala wa ulyo Mubili.” Nshilesakamana umutundu uuli pali imwe, cilya tacakwatapo icakucitapo na cena. Imwe muli mucine Umwinakristu mukufyalwa. Kabili ilya e nshila fye yeka, ulya e musango fye weka mwingabelamo; tekulunda, te kufisumino, te kusansamuka *ici*, atemwa ukusungila *ici*, atemwa cintu cimbi, napamo ku masambililo, yafya bulesa. Imwe muli Benakristu ilyo mwafyalwa cipyap cipyap, kabili imwe tekuti mufyalwe cipyap cipyap kano fye nga mwalisalwa. Ukufyalwa cipyap cipyap. “Pantu takuli umuntu uwingesa kuli Ine kano fye Tata amukula, kabili bonse abo Tata ampela bakesa.” Ameni. “Nkamwimya nakabili pa bushiku bwa kupelelekesha.”

¹¹⁷ Aya ayakalamba ayetwa ukuba amasukulu ya Baibele ayo twakwata, bena bali nokusosa, ukushintilila pa masambililo yabo abene. Owe, mwe. Bena, te mulandu ifyo Icebo cisosa, bena kuti balondolola cena palwalala nganshi, owe, ku bene beka, ukuilenga abene beka ukucetekela cena, kabili umusango wabo abene beka ukucetekela cena, ukutila, “Inshiku sha fipeshamano shalipita. Takwaba ifintu fya musango ifi nga kasesema, bakasesema, abatumwa. Takwaba icintu ca musango ifi nge fyabupe fya kundapa, kabili na fimbipo. Fyonse fyalipwile kunuma mu nshiku sha Baibele.” Bena kuti bailenga abene ukucetekela cilya.

¹¹⁸ Namwishiba, Baibele itila, “Imwe kuti mwaceteleka ubufi no konaulwa kuli wene.” Mwamona, cilya ni filya fine Icine. Bena balapanga, te mulandu ifyo Icebo cakwa Lesa cisosa, bena balashintilila ku kwiluka kwabo abene. Bena, balashintilila pali kwena, bena balacetekela kwena, bena batontonkanya cena e Cine. Imwe kuti mwatwalilila ukucetekela ubufi, nakabili nakabili nakabili, mpaka cena caba Icine kuli imwe. Cilya cishinka.

¹¹⁹ Lelo musango nshi ifwe twishibila nga cakutila cena Cine atemwa iyo? Lesa alashininkisha cena ukuba Icine, pantu cena cili mu Cebo Cakwe kabili Ena alashininkisha Cena. Ena alakwata ukwilula Kwakwe Umwine ukwa Cena.

¹²⁰ Musango nshi bena bacicita, ukwisa kuli ci? Bena bacicita ku ntambi shabo, amasambililo yabo, yakwiluka kwabo kwa de-degree ya bu doctor, kabili na fimbipo ukutila bena balisa ukufuma ku seminary imo no kusambilila ifi fintu.

¹²¹ Lelo lolekesheni, mwe banandi, umfweni. Tapali nangu pambo muli Baibele umo twaipushiwa ukwiluka. Ifwe

tatwaipushiwa ukwiluka Cena. Ifwe twalipushiwa kucetekela Cena. Ukucetekela Cena kuli cinshi? Ku citetekelo. Nga imwe mwailuka Cena, lyena cilya cilenga cilya citetekelo ukuba icafye. Imwe teti mwiluke Cena, lelo imwe mulacetekela Cena ifyo fine. Nga ine kuti nailuka Lesa, ine tekuti ncetekele Lesa. Ine nshimwiluka Lesa. Takuli umuntu uwiluka Lesa. Ine tekuti njiluke Icebo cakwa Lesa, lelo ndasumina Cena. Nalicetekela Cena. Nshaipushiwa ukwiluka Cena.

¹²² Nshicita, ukuya ku serminary nangu imo na konse uku ukwiluka kukalamba ukwa kwishiba kwa bantu pali Cilya. Naishiba fye ukutila Baibele itila Ukuti, “Yesu Kristu aba cimo cine mailo, ilelo, no muyayaya,” kabilo ine ndolekesha kuli Wene muli ulya wine musango. Nalishiba Ena alilaya ifyo Ena ali no kucita muli buno bushiku, ine ndolela pali Wene ukucicita cena kabilo Ena alacicita. Cilya cishinka. Ena alilaya inkumbu, ine nalelelola pali shena kabilo ine nalipokelela shena. Ena alilaya ukundapa, nalicetekela kwena kabilo ine nalisumina kwena, kabilo ine nalikupokelela kwena.

¹²³ Nomba nshilefwaya ukusende nshita yenu ikalamba, lelo ndefwaya ukumipusha icintu cimo nga muli no kushipikisha na ine pali miniti, ukutontonkanya bambo muli balya abashashintilile pakwiluka kwabo abene beka; bambo aba mibebe imo muli Baibele, pa banono fye, abo abashashintile ku kwiluka kwabo abene, te mulandu ifyo ukwiluka kwa nshita yabo kwali.

¹²⁴ Natusende, tutile, Noah. Noah aikele mubushiku ubwakufwailisha kukalamba kwa science. Mu nshiku shakwa Noah, bena naimo bakulile ba piramid, ayo bena tekuti bapange nakabili. Nomba ifwe tatwakwata nangu cimo icakubombelako, nangu cimo icakwimishako ifimabwe ifikulu pa mulu palya. Bena teti bacicite, ilelo. Shilye nshiku balikwete umusango umo uwa miti uo bengabika mwilangi no kulenga ifyakufwala ukumoneka nge fipyia mpaka lelo. Balikwete umuti wakukangilako icakutila kuti basungilako umubili; ifwe tekuti tupange umo, ilelo, nga twali no kucita. Ifwe twalikwata... ifingi fyakupanga ifyo twalufya. Ubushiku ubo aikelemo, muya cenjela inshita ya fya science.

¹²⁵ Yesu asontelele kuli yena, ukutila ulya musango umo wine uwa nshita ukabwela nakabili ilyo Ena talabwela, “Pantu nge fyo cali mu nshiku shakwa Noah.” Nomba imwe muli no kucetekela, cilya, bushe tamwacite? [Ulukuta lwatila, “Ameni.”—Ka.] Bushe mulecetekela ukutila Yesu asosele cilya? [“Ameni.”] Bushe mulecetekela ifwe natubwelela kuli ilya nshita? [“Ameni.”] Nomba cilya cili mwi Buku lyakwa Luka, icipandwa ca 17 na vesi ya 29.

¹²⁶ Nomba muli Luka 17:30, Atile, “Kibili nge fyo cali mu nshiku shakwa Loti, ilyo Malaika wakwa Shikulu...”

¹²⁷ Nomba, Ena alebelenga Baibele imo ine ifwe tulebelenga. Kibili ilyo Ena... bwelelenimo no kusanga ifyo bulya bushiku bwali ilyo takulaba mfula yakwa Noah. Bwelelenimo no kusanga ifyo bulya bushiku bwali ilyo icalo tacilaonaulwa mu nshiku shakwa Loti. Sangeni ifyo cena cali, kibili muli no kumona ifyo Yesu alelandapo.

¹²⁸ “Munshiku shakwa Noah, balelya, ukunwa, ukupa, no kulekana mucupo; tabaishibe cena mpaka Noah aingile mucibwato, kibili ilyeshi lyalishile, no kubafumyapo bonse.”

¹²⁹ Munshiku shakwa Loti, lintu fye sonde lyali... umulilo waocelle icalo ca Benafyalo, abena sodoma, kwali abalebembuka na baume banabo, ukupondamikwa, ifintu fyonse mwi sonde. Ilikalamba... Cena cali Los Angeles wa nshita ipya; te mupya fye Los Angeles, lelo Unite States; te mu United States mweka, lelo isonde. Cena mucine cali ukupondamikwa! Umuntu alufishe intulo yabo iya cifyalilwa ca bumi kibili no kwiluka kwabo ukwacifyalilwa ukwa mano ya cinabwingi, baishile pondamikwa ku mupashi wakowela uyo waishilepilibula imibombele yonse iya cifyalilwa cabio icabumi, kibili bena balingililwe ne mipashi ya ngulu. Nga cilia tacili icikope ca nshiku shakwa Noah, nshishibe cena, kibili mu nshiku shakwa Loti, ndepilibula. Munshiku shakwa Noah, namo, ukulya, ukunwa, ukupa, ukulekana mucupo, ifilye fya milandu ukwisula no kulekana, kibili ifintu fyonse, nga filya fine cali.

¹³⁰ Lelo, ibukisheni, ilyo isonde talilaonaulwa, Abrahamu atuminwe pano pe sonde kibili alipelwe ubulayo bwa mwana. Kibili Abrahamu akumenya Lesa mu fiputulwa ifingi, nge cipasho ca lukuta ica kumanya Lesa. Lelo lintu fye takulaba ukonaulwa kibili mwana wa bulayo aishilebwela, atemwa alishile, ntile, umwana alilaiwa, alishile, Lesa aishileika kibili amonekele mu mubili wa buntunse, mu muntu, abantu batatu. Kibili bena balishile kuli Loti; baishile ntanshi kuli Abrahamu, kibili balikele pansi. Kibili Abrahamu ishina lyakwe lyalipilibwilwe ukufuma kuli Abram ukwisa kuli Abrahamu; Sarai ukwisa kuli Sarah.

¹³¹ Kibili uyu Muntu, uwalelanda, Elohim, ilyo Ena aishileika ukulanda kuli wene, ni finshi ifyo Ena asosele? Atile, “Ali kwi umukashi obe, Sarah?”

Atile, “Ali mwi hema, kunuma Yenu.”

¹³² Atile, “Nkakutandalila ukulingana ne nshita ya bumi.” Kibili ena alisekele mwi hema, kunuma Yakwe. Kibili Atile, “Cinshi ico Sarah asekela?” Mwamona? Nomba Ena ngalifumishepo ubumi bwakwa Sarah palya pene, pa kuseka Icebo Cakwe; lelo Ena tekuti acicite cena, pantu Sarah ali ciputulwa cakwa Abrahamu.

¹³³ Kibili ilelo, Yesu atile muli Luka icipandwa ca 17 kibili na vesi ya 30, “Nge fyo cali mu nshiku shakwa Loti, efyo cikaba pa nshita ya kumpela ilyo Mwana wa muntu . . .”

¹³⁴ Nomba ibukisheni, “Umwana wa muntu” ni *kasesema*. Yehoba aitile Esekiele “umwana wa muntu.” Yesu aleisa mu mashina yatatu: Umwana wa muntu, Umwana wakwa Dabidi, Umwana wakwa Lesa. Ena aliitile Umwine “Umwana wa muntu” pa kuti abantu bengeluka, pantu Ena ali ni ulya Kasesema uo Shikulu Lesa ali no kwimya.

¹³⁵ Nomba moneni, elyo Ena alaile cinshi? Umwana wa muntu akaisokolola Umwine nakabili ilyo ilya nshita tailafika, ilyo takulaba umulilo. Kibili cilya cali icishibilo cakulekelesha ico Abrahamu amwene ilyo mwana wa bulayo talafika; kibili ena apilibukile ku mwaume wa caice, kibili wene ku mwanakashi wa caice. Lintu . . . Nomba moneni, Amalembo filya fine fye yasosa cilya, nomba tulingile ukulolela pali cilya.

¹³⁶ Kibili elyo nga twamona isonde mukupondamikwa ne fintu fyo lyabamo ilelo, ukusendwa umusango libelelemo, lyena musango nshi twingasosa ukutila cilya cintu calungama no kukana sosa ici cimbi cili icalungama? Pantu, umuntu umo, imwe muleshaintilila ku kwiluka kwabo, kibili te kwiluka kwa kwa Cilolo wa Mweo Uyo wali ulya Muntu Uyo wali kulya pa mpongolo pamo na bena pa Sodomu. Nomba, ifwe tulemona, ifwe tatushaintilila pa kwiluka kwesu fwebene.

¹³⁷ Noah tashintilile pa kwiluka kwakwe umwine. Yena yali ni nshita ikalamba iya fya science, lelo Ena tashintilile ku kwiluka kwakwe ukwa bushiku bwakwe. Lelo ena ashintilile pa bulayo bwakwa Lesa, kibili aensiwi ku maka yakwa Lesa, kibili ateyenyenye icibwato mukupususha aba nga’nda yakwe. Ilyo, cena cali mucine icapusana ku mano ya cinabwingi; takwali amenshi ku mulu kulya, takwatalile akubako. Lelo ena alishibe, nga Lesa alisosele kulya kuli no kubako, kwali no kuba. E ico ena tashintilile ku kwiluka kwakwe umwine, lelo kucitetekelo aensiwi ku Cebo cakwa Lesa ica bulayo. Umupashi waenseshe ena, kibili ena alicicitile.

¹³⁸ Abrahamu, ena tashintilile kukwiluka kwakwe pa bumi bwa buntu. Ena alyupile umukashi wakwe pa myaka yakufyalwa nalimo ikumi limo na cinelubali. Uyu ali apa. Imyaka yakufyalwa amakumi cinelubali na fisano, kibili wene ali ne myaka ya kufyalwa amakumi mutanda na fisano, ukuba umwaice imyaka ikumi. Lelo Abrahamu tashintilile ukwiluka kwakwe, ilyo Lesa asosele ukutila Ena akamupela umwana kuli Sarah. Lelo ena aitile icintu icili conse, icishininkisho icili conse ica science ico cali icapusana ku Cebo cakwa Lesa, kusambilisha ukuli konse kunse ka Cebo cakwa Lesa, kwati fye tacali ifyo. Kibili ena apele Lesa amalumbo, uwakosa, ukupela Wene amalumbo. Ena tatontonkenye nangula ukulolekesha pa mubili

wakwe umwine atemwa ukuumba kwa mubili wakwa Sarah, atemwa—atemwa umubili wakwe. Ena tatontonkenye nangu cimo, lelo ashintilile pa bulayo bwakwa Lesa. Ena tashintilile pa kwiluka kwakwe umwine. Ena tashintilile pa fyakwelenganya.

¹³⁹ “Cinshi,” mwatila, “Munyina Branham, cena kwelenganya ukutila Lesa tekuti ondape abalwele, twalikwata ba doctor abengi abasuma.”

¹⁴⁰ Baibele itila, “Ifwe tulafumyapo ukwelenganya.” Ifwe tatwelenganya. Icitetekelo tacelenganya. Icitetekelo cilatetekela no kusumina. Moneni.

¹⁴¹ Lelo ena alitetekele mu cifulo cakukana tetekela; no kwite fintu, ifyo fishali, kwati efyo fyali, ico cali mucine icakukanya ukwelenganya ukuli konse. Lelo ena taelengeny. Ena acetekele fye cena. Takwali ukwelenganya ukwinga shininkisha ukutila kalya kanya kuti kafyalwa. Ulyo mwanakashi ali nalimo imyaka amakumi yabili ukuleka ukuya ku mpepo, kibili umubili wakwe wali ngo wafwa. Kibili ilyo ena ali ne myaka ya kufyalwa umwanda, imyaka amakumi yabili na fisano panuma, ena nalyo line alepela Lesa amalumbo, ukukanya umusango uuli onse uwakwiluka. Lelo ku citetekelo, ena alishibe ukutila Lesa kuti asunga Icebo Cakwe. Ena tashintilile kukwiluka kwakwe umwine.

¹⁴² Nga cakutila Mose alishintilile ku kwiluka kwakwe umwine, ilyo Lesa amwebele ukutila ena ali no ku—kusenda Farao... atemwa abana bakwa Israele ukufuma mukuboko kwa kwa Farao? Nga cakutila ena ashintilile kukwiluka kwakwe umwine, ilyo ena ali kulya ne ntumba ya mulilo, ilyo Lesa asosele, “Kabiye kulya ndi no kuba nobe”? Nga cakutila ena alishintile ku kwiluka kwakwe ilyo ena abaletele kuli Bemba wa Kashika, kibili kulya bena bali pa menshi, kibili kuno Lesa alibalaile impanga ya bulayo? Nga cakutila ena alishintilile kukwiluka kwakwe umwine, “Musango nshi ndi no kwabukila kulya? Ifwe tatukwete inshita ukukula ubulalo. Ifi apa ifita fileisa kunuma yesu. Ishi apa mpili kumbali shonse. Aya apa menshi ku ntanshi yesu, Bemba uwa Kashika”?

¹⁴³ Nomba, nga ena alishintilile kukwiluka kwakwe umwine, ena nga limishe amaboko yakwe no kubutuka, ukuwa pankasa shakwa Farao, ukusosa, “Farao, njelelako, nalipanga icilubo.”

¹⁴⁴ Lelo ena tashintilile ku kwiluka kwakwe umwine. Lelo alipepele, kibili Lesa alimwebele ukutampwila ku ntanshi, kibili bemba aliswike, ico cali cakususha ukwelenganya konse. Lelo ena tashintilile kukwiluka kwakwe umwine.

¹⁴⁵ Nga cakutila Yoshua, ilyo aile kulya lubali ne filonganino fimbì ikumi, no kwenda kulya lubali no kumona ilye mpanga iya bulayo iyakwa Lesa, kibili ngaishilebwelela pamo na bena no kusosa, “Nomba loleleni pali miniti. Cena cishinka. Ifwe tulemoneka nge fipaso. Bena mapaka. Musango nshi ifwe

twingatala ukubasenda? Ifwe tatwakwata na mapanga; kano fye aya ayo twasenda. Musango nshi ifwe twingatala ukwingilamo ukusenda ilye mpanga? Cinshi, cena cintu icishingacitwa umupwilapo. Bena bengi ukucila ifwe, abaume amakumi yasano kuli umo. Bena bashilika abasambilishiwa, kabili ifwe tatuli nangu cimo kano fye bumba lya baleceme mpanga kabili bakakanda ba matipa ukufuma ku Egypit. Musango nshi? Ifwe tatwakwata ne cishangu ne fintu, musango nshi ifwe tukatala ukusenda cena?”

¹⁴⁶ Cinshi, ukwiluka kuti kwashininkisha mucine ukutila bema tekuti bacicite. Umuntu onse uwa nkondo nge fyo ena ali, atemwa Mose, nga tabashintilile pakwiluka kwabo abene. Lelo ukwiluka kwabo, tabashintilile pali kwena. Lelo bema balishibe ukutila Lesa alisosele, “Ni mupela ilye mpanga. Kabiyen iuye isenda!”

¹⁴⁷ Nokwiluka kobe we mwine wishintililako. Nga washintilila kukwiluka kobe we mwine ilelo ilyo walwala, nalimo ukwikala mu cicinga, ukulafwa ne mpwalonda, ubwafya bwa mutima, kabili doctor atila iwe uli no kufwa, nga iwe washintilila kuli kulyo kwiluka, iwe uli no kufwa. Lelo wishintilila kuli kulyo kwiluka. Mucine iyo.

¹⁴⁸ Nga palwa malinga ya Yeliko, ayo basoso kutila kuti bakwatilapo ubwangalo pa maceleta ukushinguluka pa mulu wa yena, filye fibumba ifikalamba? Lesa atile, “Kabiyen kulya lubali no kwenda ukushinguluka bwena imiku iya misango ifi, no kulisha intandala kabili imwe bonse mukese welesha, kabili ilinga likapona pansi.” Cisuma, cilya kuti caba mucine ica buwelewele ku mano ya buntunse. Lelo Yoshua, ukwishiha ifyo filye fibumba fyali ifyatikama, pantu ena alikulile amalinga ayengi mulya mu Egypti. Ena alishibe cement iyo yali muli fyena, ifyo fyali ifyaikatana, ukukwatilapo ubwangalo bwa maceleta pa mulu, kabili nangula amayanda ukukula pa mulu wa fyena. Lelo ena tashintilile pa kwiluka kwakwe umwine. Ena acetekeli ifyo Lesa asosele ukutila cali icishinka, no kunakila Icebo Cakwe, kabili amalinga yaliponene pansi. Tashintilile pa kwiluka kwakwe umwine.

¹⁴⁹ Nga cakutila alelwisha bulyo bulwi, kabili, nge fyo naleshimikila pa Mulungu, kabili kulya akasuba kaleya kalewa, umulwani alicimifiwe. Ilya nshita ya bushiku bema kuti baisa capamo kabili bema kuti baisa no lupaka lumbi, ukwipaya abengi abantu bakwe. Nomba nga cakutila ngalisosele, “Ndefwaya inshita ya kasuba. Ningile ukukwata ulubuto ulwingi ulwakasuba. Cisuma, nomba loleleni pali miniti. Lesa atantike ubu butantiko, kabili akasuba kalenda e ico icalo cilenda. Nomba natumone, nga ine kuti nasosa pa kasuba ukwiminina... Nalimo nge calo caiminina nomba, lyena cili no kulufya ukutinta kwa ciko, ine nalawa”?

¹⁵⁰ Ena takutike kukwiluka kwakwe. Icintu fye asosele, cali, “Akasuba, iminina shilili; kabilo, umweshi, wikale apo ubelele,” kabilo kena kali munakile wene. Ena tashintilile kukwiluka kwakwe umwine. Lelo ena ashintilile ku bulayo bwakwa Lesa, “Ni nkupela ilye mpanga; kabiye uibule.”

¹⁵¹ Ali mupela imwe ubulayo bwa Mupashi wa Mushilo. Imwe kuti mwapokela Wene muli uno musonkano. Imwe kuti mwapokelela Wene nomba.

¹⁵² Wishintilila uku, “Namwishiba, ninaka. Ndemweba, nindya sana icakulya ca cungulo. Ine—ine—kuti napata Yohane ukumona ine ukucita ici.” Owe, ku busuma bweka! Imwe muleshintilila kukwiluka kwenu mwebene.

¹⁵³ “Ubulayo buli kuli imwe, na bana babana benu, kuli abo abali ukutali nganshi, nabo bonse abo Shikulu Lesa wesu aketa.”

¹⁵⁴ “Doctor atile ndi no kufwa. Ena ali mpima ine, kabilo atile nalikwete impwalonda, nalikwete ici, atemwa conse fintu cali. Ningile ukufwa.” Mwiesha ukushintilila kuli kulyo kwiluka. Lesa ni Shikulu Lesa wenu Uyo undapa amalwele yenu yonse. E ico mwishintilila kuli kulyo kwiluka, te kwiluka kwa muntu. Shintilileni kukwiluka kwa Lesa.

¹⁵⁵ Nga cakutila Samusoni, kulya mwibala, ilyo aba Peleshite, abaume ikana babutukile kuli ena? Kabilo ulya ali palya naiminina kulya, umunono nganshi, uwaonda ne mishishi yakwe ishanyongana, uwalepa nge fi. Ena tacitile; cisuma, ena tali umuntu walupanga, pantu ena taishibe; ena takwete ukusambilishiwa, ukusambilishiwa kwafya nkondo. Ena ali fye umukote umunono uwa mishishi iya nyongana, icapala, ne fikuti cinelubali ukulebelo pansi, umulumento waba mayo, ukwiminina kunse kulya, kabilo kuno kwaishile abena Peleshite ikana. Cisuma, ena takwete nangu cimo mukuboko kwakwe. Ena alolekeshe pansi, kabilo ena asangile ilya kale ilyapwa, ifupa ilya buta ilya mubango wakwa kafwalo, kabilo ali libulile.

¹⁵⁶ Nomba atile, “Natumone, nomba, nshacite ifingi ne *ici*, pantu filye fisote pa mitwe yabo fili... Balya bena Peleshite, bonse balya bashilika, bena bonse balikwata imifwi. Bena bonse nabakwata inkwela sha fyela. Kabilo ifisote fyabo fyafinine nalimo amapound ikumi limo na fisano iciputulwa, umuntu umukalamba umukulu, onse kunse. Cisuma, nga ine ndi no kuma neli fupa lya kale lya mubango wakwa kafwalo, pali umo uwa filye fisote, cinshi, wene uli no kushonaika mutupimfya. Cilya eco”?

¹⁵⁷ Ena tashintilile kukwiluka kwakwe. Ena abulile fye icali mukuboko kwakwe, no kutendeka ukuma aba Peleshite. Kabilo panuma ena aumine ikana ilya bena, ena nalyo line ali acili nakwata ifupa lya mubango mukuboko kwakwe. Ameni.

¹⁵⁸ Nshilesakamana ifyo amasambililo ya fya bulesa yasosa, mwi shintilila kuli cilya. Shintilileni ku Cebo cakwa Lesa, “Yesu Kristu aba cimo cine mailo, nilelo, no moyayaya.” Mucine, ena acetekele cena.

¹⁵⁹ Inga cakutila Dabidi alikutike kuli Sams- . . . amasambililo ya fya bulesa yakwa Shauli? Palya paliminine Goliat kulya lubali nokuitakisha kwakwe ukukalamba, kibili bonse cila muntu no mwenso; Shauli, umutwe na mapeya ukucila bonse abashilika. Goliat atile, “Umo muntu ese no kundwisha ine. Tapali umulandu uwa—uwa ifwe bonse ukufwa. Nga na mwipaya, lyena imwe bonse muli no kutubombela. Kibili imwe nga mwanipaya, cinshi, ifwe twalabombela imwe,” pantu alikwete ukushipa pali ena. Ulya e musango ciwa atemwa ukucita, ilyo ena akwete seminary yakwe yonse kunse, kibili bena bonse, ilyo ena aleisa, mwamona.

¹⁶⁰ Dabidi uwa kale umunono ukwendaenda kulya, iciputulwa campapa ya mpanga pali ena; uwaonda, uwa mapeya ayawa, umulumendo umunono sana nalimo ama pound umwanda ne kumi. Atile, “Bushe imwe mulenjeba ukutila ifita fyakwa Lesa uwa mweo, ifyo fyasembululwa ku cipangano, fili no kwiminina kulya no kuleka ulya umwina Peleshite ushasembululwa ukutuka ifita fya kwa Lesa uwa Mweo?”

¹⁶¹ Shauli atile, “Isa kuno, mulumendo.” Atile, “Ninkumbwa ukushipa kobe, lelo inshiku sha fipeshamano shalipita. Ifwe tatwakwata icintu ca musango nga filya, mwamona. Kibili leka nkwebe icintu cimo, likadi nshi lyesenge winganangisha, mwamona? Iwe taukwete nangula icabulwi. Iwe taukwete nangu cimo kano icisukushilo mukuboko kobe, mwamona? Iwe taukwete Ph.D. atemwa LL.D. Musango nshi uli no kucita ici? Cinshi, ulya muntu ni mpuka. Cinshi, ena ni—ena ni D.D., imiku ibili L, Ph.D., LL.Q. Cinshi, ena nakwata ama degrees ayengi nganshi, ena kuti akambatika icibumba na yena. Kibili iwe ni wani? Kacema wa mpaanga.”

¹⁶² Atile, “Lelo ndefwaya ukukweba icintu cimo.” Atile, “Nawishiba cinshi?” Atile, “Nalecema impanga shakwa tata kunse kulya, kibili,” atile, “inkalamo yalishilemo no kwikata imo iya shena, nokubutuka. Kibili namwishiba, ine nalibulile aka kacisukushilo akanono no kuikonka yena, no kuiponya pansi. Nalibulile u—umwana wa mpaanga ukufuma mukanwa kaiko, kibili yena yaishile njimina ilyo nacitile. Nasendele fye umwele no kuipaya yena.” Natile, “Nalibwelelemo. Kibili kuno kwalishile bere, ukukonka ilye mpaanga, kibili aikete yena no kubutuka. Nalimwikeye, nao.” Atile, “Nomba Lesa . . . Tacili Ph.D., wandi tacili ukwiluka kwandi ne mwine. Teti mwebe ifyo ncicita. Ine nshaishiba ifyo cena cicitwa. Lelo Lesa,” ameni, “Lesa uyo wampokolwele ukufuma ku mala yakwa bere kibili ne nkalamo, cicilemo ifyo ena ali no kumpokolola ukufuma mukuboko kwa ulya umwina Peleshite ushasembululwa!”

¹⁶³ Bishop, Shauli, atile, "Nawishiba, nalicetekela walikwata ubwite, mulumendo. Nalakweba, nga iwe kuti waisa kuno lubali, nalakusambilisha iwe ifya kulwa, mwamona. Kabili nalakweba iwe, nine-nine doctor, e ico iwe uwfale ica bulwi candi. Ndefwaya nkufwike iwe." Dabidi aiminine kulya, kabili bena bali mupele Ph.D., na LL.D., na fyonge filya, kabili-kabili umuntu umunono umubusu tekuti akwate no kusela. Ena taishibe musango nshi.

¹⁶⁴ Atile, "Nshatalile ukushininkisha ici. Lilye laya lya bukapepa talininga ine. Cifumyenipo ici cintu. Lekeni ine nje na cilya ico Lesa angafwilisha naco." Cilya cali citetekelo mu maka yakwa Lesa. Kabili ena—ena tashintilile kukwiluka kwakwe umwine. Ena tashintilile kufyo muntu umbi asosele. Ena ashintilile kucitetekelo. Pantu, ena alishibe nga Lesa alimupuswishe wene ukufuma kumala yakwa bere, cicilemo ifyo Ena enga mpususha ukufuma kuli ulya umwina Peleshite!

¹⁶⁵ Cisuma, nga Lesa alimutemenwe bwino nganshi ukumuleta imwe ukumufumya mulubembu no kumwisusha na Mupashi wa Mushilo, bwafyanshi na imwe mwe babusu abashakwata umongololo abatompoka ukushinguluka icalo, bushe Ena teti cicilemo ukupokolola imwe ukufuma mukutitikishiwa kwenu ilyo Ena alaile Ena akacicita? Icebo cakwa Lesa efyo casosa. Ena ali no kucicita. Mucine, Ena ali mupokolwele wene ukufuma muminwe.

¹⁶⁶ Owe, cila umo uwa bakasesema, nga cakutila bena balishintilile kukwiluka kwabo abene mu nshita yabo? Bena nga tabatalile ukwenda kuli balya bashimapepo na bashimapepo bakalamba, no kubeta "ifibumba ifyashingulwa impemba" ne fintu fyonge ifyashala. Bena nga tabatalile ukusesema ukupusana na bena. Bena nga bali kwati bamu muli bena bakasesema abapya, nga balisumine, ukufwale fyakufwala ifisuma, no kuba mwisano lya shamfumu.

¹⁶⁷ Nga cakuti Yohane alyeseshe ukushintilila kukwiluka kwa kwe umwine? Lelo Ena aile fye kulya.

¹⁶⁸ Bena batile, "Nomba, lolela pali miniti, Yohane, wiesha ukushimikila pa *Cupo No Kulekana*."

¹⁶⁹ Ena aile kulya kuli Harod...?...kabili atile, "Tacasuminishiwa kuli iwe ukumukwata." Ee, mukwai.

Atile, "Cisuma, walishiba ifyo ulya aba? Ulya eka saba-..."

"Nshilesakamana ifyo ulya ali." Ena tashintilile.

¹⁷⁰ Atile, "Nomba nawishiba iwe tawakwata ifingi nganshi. Imwe muli kuno lubali muli aya matololo. Akabungwe teti kamupokelele imwe, nga mwaya mulebomba nga filya." Ena tasakamene palwa kabungwe akali konse. Ena tashintilile kukwiluka kwa kwe umwine, lelo ku kwiluka kwakwa Lesa. Mucine.

¹⁷¹ Kwali umuntu umo uyo washintilile ku kwiluka kwakwe umwine, kibili ishina lyakwe ali ni Yuda Escariote. Owe, ena... Ine—ine nshilemona umusango ena ali no kucicitilamo cena. Ena alyendele icinso ne cinso na Kristu, nga filya Efa acitile mukutendeka. Ena ali mwene icishininkisho, ena alolekeshe pali Lesa mu cinso, nga filya Efa acitile mukutalala kwa cungulo bushiku. Efa alolekeshe pali Kristu, mukutalala kwa cungulo bushiku, mwi bala. Kibili Yuda alikele mukutalala kwa cungulo bushiku, mwi bala lya Getsemane mu ncende ishingi, kibili alilolekeshe pali Kristu umo wine; no kumumfwa Wene ukusambilisha, ukuishininkisha Umwine ne Cebo, ukushininkisha ukuba kasesema uo Mose alandilepo akesaimishiwa. No kubeba mu Malembo Ifyo Ena ali, na fyonse palwa cena. Bena balicimwene cena ukushinkishiwa na Lesa, ukutila Ena ali, kibili elyo ena ashintilile kukwiluka kwakwe umwine.

¹⁷² Uh! Musango nshi ena engacicita? Cali ni pamulandu ena tatalile ukucikwata kuno lubali, mukwambilapo. Ena tali ni mbuto yakwete ubumi. Ena ali umwana wa boni, ukufyalwa ukufuma kuboni, abwelelemo kuboni. Nomba ifwe tulemona. Lelo ena alifumine, kibili nalimo ena limbi alikwete ilyano lyakwiluka kwakwe. Ena limbi alitonkenye ukutila Yesu... Ena alikwete umucinshi nganshi pali Wene, "Nomba, namwishiba, ine limbi kuti nashitisha wene pali silfere amakumi yatatu. Kibili nga nacita, ndi no kukwata indalamo shimo, kibili kuti nacita icintu cimo na cilya. Kibili Ena ali uwalinga ukuipokolola Umwine." Mwamona, ena taishibe, mu Malembo, ukutila ena aimishiwe ukusenda cilya cine cifulo.

¹⁷³ Kibili nangula abantu ilelo tabaishiba imibele iyo bena babamo. Cena calisontwa kuli ulu lukuta lwa Laodikea ukuba muli iyi mibebe, ukubika Kristu kunse. Kibili wene ukukonkonsha, ukwesha ukubwelelamo, [Munyina Branham akonkonsha imiku isano pacintamba—Ka.], takwali ukwampana nangu kumo, nangula. Ukushininkisha Icebo Cakwe muli ino nshita nomba, nga filya Ena acitile cila nshita, kibili bena benda fye ukutaluka ukufuma kuli cena. Ukushintilila ku kwiluka kwabo abene, cilya fye—cilya fye ecabako kuli cena.

¹⁷⁴ Atemwa, nalimo, natusose ici ukutila—ukutila ena atontonkenye. Nalimo nga ena kuti ashitisha Kristu pali ba silfere amakumi yatatu, cinshi, ukutila ena kuti akwata i—isenge na fimo ifilonganino ifikalamba ifya bulya bushiku, ba Fariseo na ba Seduke. Ena kuti asosa, "Nomba loleleni, Ena kuti aisakamana Umwine. Ine nali mumona Wene mu mabulwi ayakalamba; ine—nalishiba ukutila—ukutila Ena kuti aisunga Umwine. E ico ine limbi kuti nasenda indalamo shimo, icapala nga—ngo kuleka incito panono, nge fyo cali. Kibili elyo, nakabili, ine limbi kuti nakwata ukulumbukwa ukukalamba ne shi nkuta ilelo, nga kuti na mufutuka Wene

kuli bena.” Mwamona? Lelo ena ashintilile kukwiluka kwakwe umwine, mucifulo cakwiluka ukutila cilya cali Icebo cakwa Lesa icashininkishiwa, kabili ena acitile kuli Yesu filya fine fye ifyo Amalembo yasosele ena ali no kucita.

¹⁷⁵ Kabili, ilelo, ulukuta lwe sonde nalubika Kristu kunse muli shino nshiku sha kulekelesha, filya fine fye nge fyo Ibuku lyu Kusokolola lyasosele bena bali nokucita cena. Cena mupashi wakwa Yuda nakabili, mu musango walukuta, “Ukukwata mimonekele ya bukapepa, lelo ukukana Icebo.” Mwamona? Cilya cishinka. Nomba, owe, mwe, ni finshi caletelemo? Imfwa, nga filya fine cacitile kuli Efa. Kabili cena cilacita kuli bambi bonse abo abesha ukupondamika Icebo cakwa Lesa no kushintilila kukwiluka kwabo abene. Nangula ni nomba balashitisha, te pa ma silfere amakumi yatatu, lelo nalimo ukuba, owe, cilolo umo mukalamba, ukwishiba kumo kwa seminary. Tekuti cibe calinga ama silfere amakumi yatatu, lelo bena balashitisha cena ifyo fine; balashitisha ukwiluka kwabo kwa kwa Lesa, kulya, pa cintu nga cilya.

¹⁷⁶ Ifyo cali icapusana ukufuma ku mukalamba uwasambila Paulo Washila, uyo wakwete ukwishiba konse ena engatakishapo. Lelo atile, “Nindelakoko icintu conse, icakwelenganya kwandi, pansi. Nalikumenye Ntumba ya Mulilo ubushiku bumo, mu musebo wa ku Damaseke.” Kabili atile, “Nshaishile kuli imwe no kupulama kwa Cebo, pantu, nga nalicite, nga mwalisubile mu mano ya muntu. Lelo naishile kuli imwe mu maka ne filangisho fya Mupashi wa Mushilo, ukutila imwe—imwe muli no kushintilila pa Cebo cakwa Lesa.” Ameni. Atile, “Nga Malaika aisa kufuma ku Mulu, ukushimikila icintu cimbi, lekeni akungwe cilai,” Abena Galatia 1:8. Cilya cishinka. Iyo, mukwai. Ena takatale.

¹⁷⁷ Umwanakashi umunono pa cishima, ena ali ni cilende. Lelo ena alishibe ukutila ama chalichi yalitamfishe wene. Kabili, lelo ena tatalile ukushintilila pa kwiluka kwakwe umwine. Ilyo ena akumenye uyu Umo pa cishima, uyo wamwebele imembu shonse isho ena acitile, ena abutukile mu musumba. Nomba cena tacali icalungama ku mwanakashi ukucita cilya, ukuyamo no kusosa icintu icili conse, pantu ena ali ni cilende. Lelo ilyo ena akumenye Yesu, ena tatalile ukushintilila kukwiluka kwa bantu, shilye nshiku. Ena alishile, atile, “Iseni, mumone Umuntu Uyo wanjeba ifintu ifyo nacita. Bushe uyu te Mesaya wine?” Ena tatalile ukushintilila pakwiluka kwakwe. Iyo.

¹⁷⁸ Na cisungu Maria, ilyo Malaika Gabriel amukumenye no kumweba ukutila ena ali no kukwata akanya, ukwabula ukwishiba umwaume. Whew! Tacatala bapo. Wene tatalile ukushintilila pa kwiluka kwakwe umwine, ukutila umwanakashi tekuti akwate akanya ukwabula ukukwata u—umulume. Wene tashintilile pali cilya. Lelo ena atile, “Moneni umusha wakwa Shikulu, lekeni cibe kuli ine ukulingana ne Cebo

Cenu.” Wene tasosele, “Musango nshi ndi no kucita cena? Kibili ni lilali nkacicita cena? Kibili musango nshi ici conse cikesa citika?”

¹⁷⁹ Malaika atile, “Mupashi wa Mushilo akakufimba iwe; kibili cilya Cintu ca Mushilo icikafyalwa muli iwe ciketwa Umwana wakwa Lesa.”

¹⁸⁰ Atile, “Moneni umusha wakwa Shikulu.” Wene tasendele ukwelenganya kwakwe, ukusosa tekuti cicitwe. Wene asosele fye, “Moneni umusha wakwa Shikulu.” Cilya cishinka. Moneni.

¹⁸¹ U—umwanakashi uyo wakwete ukusuma mulopa, ba doctor balimwebele wene, batile, “Takuli isubilo.” Aliposele shonse isho akwete mubumi, na ba shinga’nga, kibili nangu umo pali bena tekuti bamwafwe. Kibili ena tashintilile pali cilya. Ilyo Yesu... Ena apitile ukupula mwibumba, kibili atile, “Ndecetekela nga nayaikata fye kwilaya lya ulyo Mwaume, ndi no kuba bwino.” Ena alitwalilile ukuya.

¹⁸² “Nomba lolela, ba doctor efyo basosele, ‘Iwe teti uposhiwe.’” Ena alikwete ubu bwafya bwa kusumo mulopa pa myaka ne myaka. Ena alenakilako fye nshita yonse, no kubipilako. Ba doctor balimufililwe. Kulya e kwiluka fye kweka uko bena bakwete.

¹⁸³ Lelo ena atile, ku citetekelo! Takwaba Ilemba ililanda ukucita cilya. Lelo ena atile, “Nga ine kuti nakumya kwi telo lyelaya Lyakwe, ndi no kuba umutuntulu,” kibili ena aishile pita mumbali no kumukumya wene. Ena alifumineko, ukwikala pansi.

¹⁸⁴ Kibili Yesu alipilibwike kibili atile, “Nani uwa Nkumya?” Ena alolekeshe mumbali mpaka Ena amusangile wene. Ena alimwebele pa fya kusuma kwa mulopa wakwe.

¹⁸⁵ Kibili wene alyumfwile pali kalya kashita, mu mubili wakwe umwine. Wene tekuti ashininkishe cena lyena, lelo ena aumfwile mu mubili wakwe ukusuma kwa mulopa wakwe kwalilekele. Wene tatalile ukwelenganya, “Nga doctor ali mulekeleko, musango nshi icintu cimbi icashala cinga mwafwilisha?” Wene tatalile ukuya mukwelenganya, lelo wene aile kucitetekelo.

¹⁸⁶ Nomba Baibele itila, “Ukutila Ena ni Shimapepo Mukalamba, ilelo, uwinga tusakamana kukunakuka kwesu.” Bushe co cishinka? [Ulukuta lwatila, “Ameni.”—Ka.]

Mwilaya kukwelenganya, ukusosa, “owe, cilya cili...”

Atile, “Ilelo Ena ali cilya. Ena ali ino ine nshita Shimapepo Mukalamba uyo uwingatusakamana ku fyakunakuka fyesu. Cimo cine mailo, ilelo, no moyayaya!”

¹⁸⁷ Cinshi ico muletontonkanya ilyo nali kunse kulya nga kashimikila wa Baptist, kibili ulya Malaika wakwa Shikulu alinkumenye kunse kulya no kunsonta ine ukuya mukucita ici ico

ndecita? Cinshi, kacema wandi atile, "Iwe naufulungana. Cinshi, iwe walikwete iciloto cakutinya, iwe."

Natile, "Iwe kuti cawama ukusenda ikadi lyandi ilye senge ino ine nshita."

¹⁸⁸ Nomba, atile, "Musango nshi iwe, taukwete na masambililo aya kubelenga aya ku sukulu, ukushimikila ukushinguluke sonde? Musango nshi wingatala ukupepela isha mfumu naba kankala, kabilo iwe—iwe—iwe tekuti ubomfyne ne nsoselo yobe bwino?"

¹⁸⁹ Nshalesubila mu nsoselo yandi. Ine nshalesubila mukusambilila ukuli konse uko nakwete. Ine nalisontelwe. Aleluya! Kibili ine nshaile kukwelenganya. Kibili ine nga nalyumfwile kukwelenganya, kulya nga kwali abantu amakana abafwile, imyaka yapitapo. Lelo ine nasendele Imbila filya fine nge fyo Ena asosele, ukushinguluka no kushinguluka isonde.

¹⁹⁰ Kibili ine ndeya nakabili, ku nkumbu shakwa Lesa; te mukwelenganya, lelo ku kusontwa. Aleluya. Ine nshashintilile... Imwe mwatila, "Iwe uli ne myaka ya kufyalwa amakumi yasano na fisano." Nga nali amakumi pabula na fisano, cilya tacipilibula akantu. Ena acili ni Lesa umo wine filya Ena ali pamona Abrahamu. Ee, mukwai. Kukwiluka kwenu mwebene mwishintililako.

¹⁹¹ Kibili panuma ya cishibilo ilyo caile, kibili Ishiwi ukukonka, kibili inkuta shatendeke ukunkana ine no kwisala iminshi yabo, pe Sambilisho, ukutila bonse muli bena tabalingile ukwiminina kuli ine no kusosa Cena calilungama atemwa cilubo. Ndeshinina onse muli bena. Huh-huh. Te kuba uwacenjela, lelo nalishiba apo nabela. Cilya cishinka. Ni cinshi ico bacitile? Cinshi ico bacitile? Bena baisele umwinshi onse. "Nomba ni cinshi ico muli no kucita?"

¹⁹² Ubushiku bumbi, pa mulu wa lupili, naliminine kulya. Natile, "Shikulu, ninkwata umwinshi umo ukwisulwa mu nko yonse, ukulingana fye nge fyo naishiba, kulya ni ku Phoenix, Arizona. Umo fye eo nakwata." Kibili natendeke ukwika ukufuma pa lupili. Palwalala fye nge fyo natalile ukumfwa umuntu uuli onse ukulanda, atile, "Ni cinshi cilya kuli iwe? Ukonke Ine iwe." Elyo, te pa kwiluka kwandi ne mwine. Ndi no kushintilila pa bulayo Bwakwe.

¹⁹³ Owe, we munandi, wishintilila pakwelenganya. Lyena ulabilikisha, pamona Eddie Perronet uwa kale:

Tulumbanishe amaka, Ye Shina lya Yesu!
Abangeli na bantu;
Balete kuno mucinshi,
Bonse bamuwile;
Nabaletulwa no luse.

¹⁹⁴ Cilya cishinka. Mwishiintilila pa fyo muletontonkanya, pa fyo muntu umbi aletontonkanya. Ku citetekelo sumineni ubulayo bwakwa Lesa. Bushe muli no kucicita cena? Nomba cena tacili nga cakutila umuntu umbi alicicitile, nga cakutila bena tabacicitile cena, lelo nga palwa imwe? Ni cinshi ico muli no kucita no yu Yesu uwitwa Kristu, uyo uleilenga Umwine ukwishesibikwa muli buno bushiku, cimo cine nge fyo Ena acitile muli bulya bushiku? Bushe mulecetekela Wene? [Ulukuta lwatila, “Ameni.”—Ka.]

Natupepe.

¹⁹⁵ Shikulu Yesu, Imfumu ya shamfumu, Shikulu waba shikulu, Lesa uwa tulesa, Lesa uwabakankala bonse; Uwantanshi, uwa Kulekelesha; Alifa, Omega; Intendekelo ne Mpela; Ulwabalika kibili Ulutanda Iwa Lucelo, Rose wa Sharon, Cananika wa mu Mipokapoka, Umushila kibili uwa Bufyashi bwakwa Dabidi; iseni, Shikulu Lesa; cimo cine mailo, ilelo, no muyayaya!

¹⁹⁶ Paleni ili bumba ly a bantu, Shikulu. Uyu...[Tapali kantu pali tepu—Ka.] Ukuiteyanya ukwisa tampa mailo. Ifwe twalikwete ukulongana ukunono, kuno kibili Imwe na mutupala muli kwena. Imwe na muilenga Mwebene ukwishesibikwa kuli ifwe. Ndepepa, Lesa, ukutila Imwe muli no kutwalilila ukuilenga Mwebene ukwishesibikwa kuli ifwe. Tupaleni muno bushiku. Twafwilisheni nomba. Ifwe tuli bantu ababulisha.

¹⁹⁷ Kibili, Shikulu, Imwe mwalishiba nshatemwa ukwebaula abantu, lelo kuti nakanya shani kulyo kubilima kwa mushilo? Nshatemwa ukucita cilya, Shikulu. Imwe mwalishiba ubumi bwandi, umutima wandi. Ine ningile ukucicita. Kibili ndepepa, Lesa, ukutila Imwe muli no kungafwilisha ukucicita. Mpeni fye ukusenamina, kibili mwikaleka ine nkashintilile ku kwiluka kwandi ne mwine, lelo lekeni ine nshitolile pa bulayo Bwenu. Mwi Shina lyakwa Yesu. Ameni.

¹⁹⁸ Ndefwaya imwe, cila umo, ukuba fye uwakatina nganshi pa ma miniti fye ayanono. Muli ili bumba ly a bantu, kuliko abaume na banakasho abekele muno, ukwabula ukutwishiwa, abo abalwele. Nibanga abalwele kibili abatitikishiwa muno, imyeni amaboko yenu, soseni fye, “Ndekabila Lesa”? Imyeni fye ukuboko kwenu ino ine fye nshita, “Ndekabila Lesa.”

¹⁹⁹ Nomba, nshaishiba abantu abengi nganshi. Nalishiba aba balumendo batatu abekele kuno kwine. Nalishiba Mr. Dauch no mukashi wakwe abekele palya. Ndetontonkanya, ndetontonkanya uyu ni Nkashi Moore. Nshili uwashininkisha. Bushe co cishinka, Nkashi Moore? Kunse ka cilya, ndemonia cilya e cilecicita. Munyina Mike, kibili kuntanshi. Palya epo mpelele, nge fyo ndemonia, abo naishiba.

²⁰⁰ Lelo Shifwe uwa mu Mulu Uyo walaile, kibili muli buno bushiku Ena ali nokuishininkisha Umwine muli ino inshita, filya fine fye umusango Ena acitile ku Sodomu. Bushe Ena alilaile

cena? [Ulukuta lwatila, “Ameni.”—Ka.] Ukuilangisha Umwine! Bushe mulecetekela cilya? [“Ameni.”]

²⁰¹ Nomba nga muli nokupepa, kabi ku citetekelo! Nomba mwiesha ukwelenganya, “Musango nshi ninga mukumya Wene nga Shimapepo Mukalamba?”

²⁰² Nomba, Baibele itila, Icipingo Cipy, “Ena ni Shimapepo Mukalamba, ino ine nshita. Ena aletwalilila ukuba Shimapepo Mukalamba mubukonkani bwakwa Melkesedeke. Ena ni Shimapepo Mukalamba muyayaya. Takwaba Shimapepo Mukalamba umbi kano Wene. Takwaba kapapatila umbi pakati kakwa Lesa no muntu, kano Muntu Kristu.” Cilya cishinka. Ena ni Eka fye, kabi Ena aba cimo cine mailo, ilelo, no muyayaya.

²⁰³ Nomba nga Ena atwalilila ukuba Shimapepo Mukalamba umo wine, kabi Baibele itila, “Ifwe kuti twamukumya Wene ne fya kunaka fyesu,” nga ulya umwanakashi umunono uyo wakumishe ilaya Lyakwe, icitetekelo cenu kuti ca mukumya Wene muno bushiku kabi Ena ali no kubomba umusango umo wine, mu mibili wa buntu, nge fyo Ena acitile ilyo Ena ali mu mibili wa buntu kulya ku—ku mutelebinti wakwa Abrahamu. Bushe mulecetekela cilya? [Ulukuta lwatila, “Ameni.”—Ka.] Ena alilaile Ena akacita cena. Nomba pepeni fye, uuli onse uyo ukwete ukukabila. Kabi ine—ine . . .

²⁰⁴ Cili kwati nge fyo nasosele, icabupe tacaba icintu cimo ico caba kwati imwe mwasenda umwele, kabi imwe nga mulefwaya ukuputula *ici* na wene, imwe kuti mwaputula cena; atemwa imwe ukuputula *ici*, *imwe* kuti mwaputula cena, atemwa conse ico mulefwaya ukucita. Cilya te cabupe cakwa Lesa. Mwamona? Iyo.

²⁰⁵ Icabupe cakwa Lesa caba inshila imo imwe mwakwata iya kuifumyapo mwebene ukufuma mu nshila. Kabi ifya bupe no bwite fyalingilwa kabela na Lesa. “Ifya bupe no bwite fyaba ukwabula kulapila.” Imwe mulafyalwa na cena. Ka giya akanono ako muitintilamo mwebene mukati, lelo imwe tekuti munyante pali pedulo. Mwamona? Lesa alingile ukubomfyा cena. Imwe mulingile ukuifumyamo mwebene mu nshila.

²⁰⁶ Icitetekelo cenu kuti cabomfyा cena, te candi; icenu. Icandi cicifumy fye mu nshila. Imwe mucetekele no mutima wenu onse kutila Yesu Kristu wa mweo ilelo.

²⁰⁷ Mwishintilila kukwiluka kwenu mwebene, mwatila, “Cisuma, nomba lolekesheni, ine—ndi mu mimonekele iya bipa, munyina. Imwe tamwanjishiba ine. Ine naikala muli ici cicingga. Ine naba . . .”

²⁰⁸ Nshilesakama ifyo imwe mwaba, kabi moneni nga Lesa taike no kucita filya fine nge fyo Ena acitile ilyo Ena ali pano pe sonde mu mibili utuntulu. Ena ali no kucicita mu mibili wenu, mu mibili wandi, capamo nge cilundwa ukucetekele muli Wene. Ena ali no kucicita pantu Ena alilaya Ena akacita cena.

²⁰⁹ Nomba mwishintilila ku fyo muntu umo alesosa, “Owe, cilya cili—cilya cili ukubelenga amano,” ifyo bena beta Cena. Batile Yesu cali icintu cimo cine. Bena batile Ena ali nikabuka, “iciwa.” Lelo Ena ali Umwana wakwa Lesa, pantu Ena ali ukulingana no bulayo bwa Cebo cakwa Lesa.

²¹⁰ Nomba, nge fyo nacisosa, ifyesu—ififulo fyesu, ifwe tatulingile ukukwata cilya, ukwisa no kubike ndupi pa bantu. Ifwe twalibikile ndupi shesu pali bena mailo bushiku. Lelo cintu fye, ico mulingile ukukwata citetekelo, kibili elyo ishibeni. Kucitetekelo imwe mulasumina cena, ku citetekelo. Tacili—tacili ku cintu icili conse ico . . .

Mwasosa, “Cisuma, nomba musango nshi cena cinga citwa?”

²¹¹ Nga ine kuti namweba ifyo cena cacitilwe, lyena cena tekuti cibe nakabili icitetekelo. Ine nshaishiba umusango cena cicitwa. Ine nshaishiba, lelo nalicetekela cena. Ine—nshaishiba umusango—umusango Lesa apuswishamo umubembu, lelo Ena alacicita. Ine nshaishiba umusango Lesa acitilamo ifili fyonse ifi fintu, lelo ine ndasumina cena. Ena, Ena alacicita cena, kibili ulya e musango. Pantu, ine teti nondolole cena. Nomba, cisuma, ine . . . tacakatale ukulondololwa. Takuli nangu umo uwingacicita. Pantu, nga imwe mwacita, lyena tacili nakabili icitetekelo.

²¹² Nshilemona umusango Lesa na Kristu bengaba Umuntu umo wine, lelo Bena bali. Amalembo yalisosa. Cisuma, imwe teti mulondolole cena, lelo, Bena bali. “Tata ali muli Ine. Tacili Nine ubomba imilimo; caba ni Tata muli Ine. Nga nshilecita imilimo Yakwe, lyena cilya cilelangisha Nshili Uwakwe. Lelo nga ndecita imilimo Yakwe, lyena Ena alapela ubunte Umwine ukutila Ndi Uwakwe.”

²¹³ Cisuma, caba icintu cimo cine nomba, filya fine icintu cimo cine. Ena aba cimo cine mailo, ilelo, no muyayaya, nga imwe mwacetekela.

²¹⁴ Nomba kuliko umwaume uwikele kuno kwine ku ntanshi yandi, ena nakwata imishishi iya fita. Ena nakwata inkoloko pa kuboko kwakwe, suti uwafita. Ena nafwala amagalashi. Nga imwe kuti mwalolekesha kuno kwine, muli no kumumona wene naikala na meno yakwe nayashibata, alepepa. Nshamwishiba ulyo mwaume. Shifwe uwa mu Mulu na mwishiba nshamwishiba wene. Lelo nalalolekesha fye kuli wene pali miniti fye, pantu ena alemoneka ngo uuli uwabufumacumi nganshi, ukwikala kulya. Ukutula fye apo nacilumbwila, umwaume acishibata fye amenso yakwe no kutendeka ukupepa. Umwaume mweni kuli ine, ico cili, ku minwe yandi. Ine nshamwishiba wene. Lesa alishiba ulyo mwaume, kibili Ena kuti asokolola kuli ine. Nga bulyo bulayo bwaliba ubwacine muli Baibebe, Ena kuti asokolola kuli ine ifyo ulyo mwaume ashibatilepo amenso yakwe, kibili ne

fyo alepepelapo. Bushe mulecetekela cilya? [Ulukuta lwatila, "Ameni."—Ka.]

²¹⁵ Bushe mulecetekela cena, mukwai? Nga iwe uli no kwisula amenso yobe, iwe nawikala apa pene, lolekesha kuno. Bushe ulecetekela cilya? Cisuma. Nomba nawishiba nshakwishiba. Ifwe tuli mwensi kuli umo no mubiye. Lelo Lesa alikwishiba. Nomba ena atendeka ukulila, ukufwinfwinta. Pantu, ine kuti namweba nomba ukutila Lesa ali no kwasuka icakulomba cakwe, mwamona, pantu cilya e ca mwikeshe wene lilya line fye, lulyo Lubuuto; ukufuma mumfifi, lwapilibukila ku Lubuuto. Mwamona?

²¹⁶ Nomba, umwaume, ena alepepela umuntu umbi, kibili ulya ni uyu mulumendo umunono uwikele kuno lubali kuli wene. Ulya mwana wakwe. Cilya cishinka. Nomba, ulyo mulumendo umunono alecushiba no—no kukalipwa kwa mu mala, kibili na cimbi icintu cimo icalubana na mala yakwe. Cilya cinshika. Cilya cishinka.

²¹⁷ Iwe tawikala kuno. Iwe taufuma ku Arizona. Iwe ufuma ku California. Cilya cishinka. Kibili niwe kapyunga, kibili isenge lyobe lili na ba Assemblies of God. Cilya cishinka. Rev. McKeig eshina lyobe, atemwa, Rev. Keig, cilya cishinka. Bushe cilya cishinka? Sokonya amaboko yobe nge fi. Nomba umulumendo obe umunono alaba umutuntulu. Icitetekelo cobe!

²¹⁸ Nomba cinshi? Nomba ulya palya umwaume na maboko yakwe pa mulu, ena tanjishiba ine, ine nshamwishiba wene. Lelo cena ni cinshi? Ena acikumya Shimapopo Mukalamba. Nomba, mwamona, ena tekuti ashintilile kukwiluka kwakwe umwine. Nomba ni cinshi ico ena ali no kucita, ni cinshi ico ena acita nomba? Ena alingile ukucetekela cilya icalandilwe kuli wene, icishinka, pantu ena naishiba ena tanjishiba ine. Cilya cishinka.

²¹⁹ Pano, pano napekala umwanakashi naikala pano pene kuntanshi yandi, nao, ena nakontamika umutwe wakwe. Ena alecula ne mpwalonda. Nao wine afuma ku California. Ndesubila ena talepanya ici. Miss Adams. E shina lyakwe. Nshatala mu monapo mubumi bwandi. Ee, cilya cishinka.

²²⁰ Kuliko namayo uwikele kunuma *kuno*. Tekuti mbike fye ukwandi, ukusonta fye kuli wene, lelo ndemonia Ulubuuto nalulebelia pali wene. Ena ali mubwafya ubukalamba. Ena nakwata ubwafya no mukoshi wakwe, pa cintu cimo. Kibili icintu cimbi, ena—ena nakwata a—amafya ya bumupashi, ukusakama e kulemucusha. Kibili ena nakwata ubwafya bwapa nga'nda; umwana wakwe umwanakashi na butuka fye. Cilya cishinka. Cilya cishinka, bushe tacili? Ena naimya ukuboko kwakwe. Mrs. Miller, cilya cishinka. Bushe ulecetekela? Lesa ala mutuma ukumubweseshamo, ukundapa umubili obe. Nomba, nshatala munonapo mubumi bwandi. Ena mwensi umupwilapo.

²²¹ Kuliko na mayo uwikele muno mwi bumba. Ena—ena tafuma kuno, nao wine afuma ku California. Ena nakwata impwalonda, kabilo mpwalonda ili pebele lyakwe. Ena alitumbulwapo, ibele limo, kabilo yena naiya kuli limbi. Cilya cishinka. Mrs. Calvin. Cilya cishinka. Bushe ulecetekela ukutila Lesa alakulenga ukuba umutuntulu? Iwe ulecetekela cena. Ndi mweni kuli iwe, na mayo. Nshakwisha iwe. Cilya cishinka. Mwamona? Ena nakwata impwalonda.

Pa kutila imwe mwingeshiba ukutila Lesa epo ali!

²²² Pali ko na mayo uwikele kulubali fye lwakwe. Ishina lyakwe ni Mrs. Harris. Ena mweni umupwilapo kuli ine. Lelo ilyo Mupashi wacikasha uyu mwanakashi, nao wine ali ne nkumbu na ena. Kabilo ena esa ukufuma ku California. Cilya cishinka. Kabilo ena nakwata ubwafya no kubeya kwakwe. Cilya cishinka. Bushe ulecetekela ukutila Lesa alakundapa? Nga cilya cishinka, imyaka ukuboko kobe pakutila abantu bengamona; umweni umupwilapo.

²²³ Nokwiluka kobe we mwine wishintililako. Ni cinshi icinga cita cilya? Iwe teti ulondolole cilya. Cilya cintu icaibela. Cena capula pa kulondolola. Ipusheni balya bantu; nshatala bamonapo mubumi bwandi, nshaishibapo nangu cimo palwa bena. Cena kuti catwalilila fye mukulongana.

²²⁴ Lelo, nomba lolekesheni, mwiesha ukushintilila kukwiluka kwenu mwebene. Lelo shintintilileni kufyo Ena alaile, kutila Ena ali no kucita cilya; nga ulya te Mupashi umo wine uyo waikele mu mubili wa buntu, uyo waishibe ukutila Sarah alisekele mwi hema, kunuma ya Muntu. Bushe cilya cishinka? Kabilo Ena alilaile, lintu fye sonde talilaonaulwa no mulilo, ilyo Mwana wa muntu ali no kuisokolola Umwine nakabili mu musango umo wine, nge fyo u—Umwana wa muntu (mubusesemo) akaisokolola Umwine mu mubili wa buntunse nge fyo Ena ali pano pamo na ifwe muno bushiku, nge fyo Ena acitile lilya. Nomba ni ora nshi iyo tuleikalamo? Mupepi fye no konaulwa.

²²⁵ We munandi, wiiminina muno, nakabili, umubembu. Sumina Yesu Kristu ilyo iwe uli mu Mulola Wakwe. Nomba, ninjishiba, ilingi line cabu ulutambi kuli ba kapyunga ukucito kupapata nokulanda amalyashi, pali mayo uyo wafwa nokutangilako. Cilya cili fye bwino. Lelo tatwisa pa mulingo wakutila bamayo balifwa. Bamayo balifwa, na ine; batata, nabo. Lelo ifwe tulesa, mukucenjela, ukusumina pa mulingo wakwa Lesa ukuilangisha Umwine muli Yesu Kristu, ukusenda imembu sha calo. Ifwe tulesa no kucetekela pa Cikonsolwelo. Ilyo Ena ashininkisha Icebo cakwe...

²²⁶ Nshilesakamana lukuta nshi ulo mwayako, Methodist, Baptist, Catholic, Presbyterian, atemwa ulukuta nangu lomo nakalya. Nga muli nokusumina ukutila imwe na muumfwa

cena umusango umbi, kibili ukwisha ukutila imwe mucine tamwatala ukufyalwa cipyapya, lelo imwe mulefwaya ukuba, kibili mulefwaya ukusumina cena nomba, ubulayo nomba. Imwe limbi teti mwisushiwe nomba, lelo imwe mukesushiwa ilyo i... ilyo kulongana kuletwalilila. Imwe mulefwaya ukusumina cena pali ilye milingo, bushe kuti mwaiminina pa nkasa shenu no kuleka ine mupepeleko ipepo apo pene apo mwininine. Uuli onse uli muno uyo wishibe...

²²⁷ Mwishintilila pa yenu mwebene, cisuma, ukusosa, "Nalilandila mu ndimi." Nomba, cilya tacakwatapo nangu cimo icakucita na cena. Nalicetekela ukulandila mu ndimi, na ine.

²²⁸ Lelo nalimona indoshi, ifiwa, ne fintu fyonse ifyashala, ukulandila mu ndimi no kwilula kwena. Cilya cishinka. Ipusheni ba minshoni abali kuno, ifwe kuti twasanga, Munyina Creech, kibili iwe walishiba cilya cishinka. Nalibamona ukulandila mu ndimi, no kunwa umulopa ukufuma, mukapanga ka muntu, ukwita pali ciwa. Mucine. Nalimona bena ukubika pensulo pansi, kibili yena kuti yaiminina no kulemba mululimi lumbi; kibili ndoshi, uwa manga ukwiminina kulya, ukwilula cena.

²²⁹ E ico kulandila mu ndimi tacaba icishibili icakutila imwe mwalikwata Mupashi wa Mushilo. Nga cilya, kibili nga imwe mwalandila mu ndimi nokukana ici Cebo, kuliko icantu cimo icalubana pa cifulo cimo. Cishinka, uh-huh, cishinka. Mwiesha ukushintilila kukwiluka kwenu mwebene.

²³⁰ Umo muntu nomba, mwatila, "Cisuma, nalibilikisha cena." Na ine ndacita. Lelo mwishintilila kuli cilya.

²³¹ Ine nalimona imisango yonse iya ngulu ukubilikisha nokupunda. Nalimona ba Mohammedans ukubilikisha no kupunda mpaka, baliibomfeshe abene beka mucifulo cakutila, bena kuti batunga bacilasa mundupi shabo. Mu India, nalibamona ukupunda no kutoloka toloka, ukusenda imipila ya menshi, na mabulobo muli yena, no kuititikisha ukupula munkanda yabo kibili ukwenda pa misolilo iyakaba iya mulilo, cishinka, ukukana Yesu Kristu.

²³² Mwamona, mwiesha ukushintilila kukwiluka kwenu mwebene, kano pa Cebo cakwa Lesa. Ngo bumi bwenu tabusuntinkana, ne iyi Baibebe, ukucetekela Icebo conse ico cili mulya; kibili imwe mulefwaya ukucetekela cena, kibili mulefwaya Lesa ukubomba ubufwayo Bwakwe muli imwe, pantu imwe kuti mwaba iciputulwa cakwa Lesa, bushe muli no kwiminina ukusosa, "Nalasumina cena ino ine nshita, munyina." Natotela. Natotela. Lesa akupale. Lesa akupale. Lesa akupale. Lesa akupale. Lesa akupale. Cisuma. Lesa akupale. Lekeni Lesa apele kuli imwe, bonse ababufumacumi. Mwatila... Beni fye—mube fye abaiminina, beni fye...

²³³ Mwatila, "Nine membala wa lukuta, Munyina Branham, lelo mucine nine Pentecostal; lelo ilyo cena mucine caisa mucine

ukusosa ine kuti nacetekela conse cilya Cebo e Cine, ine tekuti ncite fye cena, lelo ine—ndefwaya ukucita cena. Imwe ngafwlisheni, imwe mpepeleniko. Ine ndefwaya ukwiminina no kusosa, ‘Ine—ine . . .’” Mwatila, “Cisuma, lolekesheni, ukwikala kuno, atemwa ine nalipela ubunte muli luno lukuta, ukutila nali.” Lelo na mwishiba, mukati ka mutima wenu, imwe ta muli. Lesa alishiba imwe tamwaba, naco, mwamona, e ico cinshi teti mwiminine fye. Mwiesha ukushintilila ku kwiluka kwenu mwebene, lelo shintilileni ku Cebo Cakwe.

²³⁴ Bushe mwalaiminina, na bambi bamo? Uuli onse uwashala ulefwaya ukwiminina? Lesa akupale. Lesa akupale. Lesa akupale, iwe, iwe. “Lesa, ngafweni.” Lesa amupale bonse. Cilya cisuma. Twalilileni fye ukwiminina.

²³⁵ Mwatila, “Bushe cilya calancita icisuma icili conse?” Mukeminine inshta imo, mukamone nga cena cilacita. Mucine ukupilibula cena, “Ndefwaya, Munyina Branham, ndefwaya ukuba uwalungama. Ndefwaya ukuba uwalungama.”

²³⁶ Nomba, nshilesoso kutila fumeni mu lukuta lwenu. Iyo, mukwai. Ikaleni uko kwine uko mwaba, beni fye umuntu uwaisushiwa na Mupashi wa Mushilo nganshi muli lulya lukuta. Mwatila, “Cisuma, nshishibe fyo kacema wandi ali nokusosa.” Ena akatasha ifyo imwe, nga muli, nga ena muntu wakwa Lesa. Cilya cishinka.

²³⁷ “Lengeni ulubuuto lwenu lubalike ku cinso ca bantu pa kutila benga mona imilimo yenu isuma no kucindika Shibo.”

²³⁸ Lesa akupale. Cisuma, Lesa apale imwe bonse babili, na iwe; naiwe, munyina, iwe. Lesa amupale, cila umo. Lesa akupale. Lesa akupale kuno lubali.

²³⁹ Nomba imwe mwe beminine, nga muleumfwa bwino panuma yakwiminina, imyeni fye amaboko yenu ukweba bambi ukutila imwe muleumfwa bwino palwa cena panuma ilyo mwaiminina. Mwamona, ukuboko ukuli konse. Mwamona? Mucine, mulacita. Mwamona, imwe muli ababufumacumi. Imwe namwiminina, ukusosa, “Ndi no kuba inte.”

²⁴⁰ “Uyo uuli no kunjimininako ine pano, Nkamwimininako Wene kulya. Uyo ulengu’mfwile nsoni Ine pano ku cinso ca aba bantu, Nka mumfwire nsoni ine ku cinso cakwa Tata na ba Malaika aba mushilo.” Mwilamumfwire nsoni Wene. Mwilashintilila pakwelenganya kwenu mwebene. Shintilileni pa Cebo cakwa Lesa. “Uyo ukanumbula Ine ku cinso ca bantu, wene Nkamulumbula ku cinso cakwa Tata na ba Malaika ba mushilo.”

²⁴¹ Bushe kuliko na bambi bamo, lintu fye tatulapepa? Natukontamike imitwe yesu lyena. Lesa akupale, nkashi. Mucine. Lesa akupale, na iwe, munyina. Mucine. Bushe kuti kwabako naumbi, lintu fye tukwete imitwe yesu iyakontamikwa? Lesa akupale, iwe. Nomba, cilya cishinka, imwe mucili na mwiminina. Ifwe twalalolela akashita fye, pakashita

fye. Lesa akupale, munyina. Lesa akupale. Ukusosa, “Bushe cena cilepilibula icintu icili conse, ukusosa, ‘Lesa akupale?’” Cilya kulumbula amapalo yandi kuli imwe. Lesa akupale.

²⁴² Imwe bambo mwebeminine mumbali ya cibumba, apo tamukwete incende yakwikalapo, bushe kuti mwaimya fye ukuboko kwenu, ukusosa, “Ine, Lesa, cena nine”? Lesa akupale, munyina. Lesa akupale, na iwe; na iwe, nkashi; na iwe, munyinane; na iwe, nkanshi yandi.

²⁴³ Owe, Mupashi wa Mushilo aleenda bwino nganshi pe bumba. Bushe ta muleumfwa Cilya? Lesa akupale, we mwaume wa caice kuno lubali lwa kuntanshi. Lesa akupale, kulya mucifutu. Lesa akupale, we mwaice. Ee.

²⁴⁴ Mwe Mupashi wa Mushilo, endeni cipyia cipyia mu mitima yesu nomba. Tulangisheni ifilubo fyesu, Shikulu. Ifwe tatulecita... Ifwe tatushentilila kukwiluka kwesu fwebene, ukwelenganya kwesu fwebene. Lelo ifwe tuleshentilila pali Imwe, pantu ifwe natwisha ukutila ifwe tuleiminina mu Bwenu ubwa Bulesa, ubulayo ubwashininkisha ubwelelo. Imwe namuilenga Mwebene ukwishesibika ukucila uuli onse, ukucila kwelenganya ukuli conse. Ifwe tekuti twelenganye napamo ukulondolola cena. Lelo Imwe na mwisa ukwika mukati fye kesu nomba, no kuilenga ukwishesibika ukutila Imwe muli muno, kibili abaume na banakashi balecetekela cilya no kusumina cena.

²⁴⁵ Lesa, sendeni cila umo uwa muli ifwe mucifuba Cenu, no kubafisa mu Cilibwe ca Kale mpaka imililo ipite. Ifwe tuli mupepi ukocewa, Shikulu. Ifwe twalishiba cena. Ifwe natubwelela mu Sodomu. “Lelo abalungami tabakonaike pamo na ba mulandu.” Imwe muketa abana Benu, Shikulu. Imwe mwaebele Loti, “Fuma umo. Fumamo.” Ndepepa, Lesa, ukutila cila umo ulya uuli muli ilya mibebe muno bushiku, uuli kunse kulya, ukukana ba abashininkisha apo baiminina...

²⁴⁶ Lesa, bena tekuti basende ishuko ukuya mu musebo uleya ulubali lumo, inshila iyalubana. Bena tekuti basende shuko ilya kupita pa nyali yakashika, nga bena bali mu mano yabo ayatuntulu, pantu bena limbi kuti baipaiwa. Lyena musango nshi umuntu engasenda ishuko pa cifulo cabio ica Muyayaya, ukutunganya fye, ukwesha fye, ukuya ukwabula insambu ishine shine ukuya, pantu bena baba kulukuta atemwa icilonganino? Kibili mucine bena tekuti, bena tekuti beluke ukutila ifyo Icebo cakwa Lesa kuti cabia ilelo nge fyo cena cali lilya, ifyo aya mabulayo yengalengwa ukumonekela. “Inshita ya batumwa ukupwa.” Bafwilisheni, Tata. Nabapela kuli Imwe mwi Shina lyakwa Yesu Kristu. Ameni.

²⁴⁷ Natotela, munyinane, nkashi. Ndi uwansansa ukumita imwe munyinane, nkashi.

²⁴⁸ Ibukisheni, Lesa akanenga ine ukwasukilapo pe shiwi ilili lyonse, pa Bushiku bwa Bupingushi. Ifintu fyonse ifyo nshimikilepo muno bushiku, ningile ukwasukilapo pali cena. Ninjishiba palwa cilya. Kibili cinshi ico nacita ukutula ilyo nali umulumendo umunono, ukushimikila iyi Mbila nsuma, kibili elyo ukuba icakuposwa?

²⁴⁹ Nomba nibanga muli imwe abali abalwele no kutitikishiwa, muno bushiku, kibili imwe mulefwaya ukupepelwa? Imyeni ukuboko kwenu. Nomba bushe mwalanditlako icintu cimo ine? Bikeni indupu shenu pali umo no mubiye. Bikeni ndupi shenu pali umo no mubiye. Umuntu onse akontamike umutwe wakwe nomba, kwati fye mwali mu chalichi, kuno lubali ku ntanshi.

²⁵⁰ Lesa umutemwikwa, mwi Shina lyakwa Yesu Kristu, kibili no Mulola Wakwe, Umulola uwashininkishiwa! Icebo cine ico cashimikilwa, na cishininkishiwa ukutila Imwe mwaba cimo cine mailo, ilelo, no moyayaya. Lekeni Mupashi wa Mushilo wakwa Lesa upite muli ili bumba lya bantu ino ine inshita. Abengi muli imwe na besa nokusumina Imwe nga Kapususha Wabo, abengi ababwelele numa nabasumina Imwe no kubwela. Mwe Lesa, ndepepa ukutila mwi Shina lyakwa Yesu Kristu, ukutila Imwe mwalaundapa umuntu onse. Mwatile, “Ifi fishibilo fikakonka abo abacetekela; nga babike ndupi shabo pa balwele, bena bakaba abatuntulu.” Imwe mwalicilaya, Shikulu, kibili abana abacetekela nababika indupi shabo pali umo no mubiye.

²⁵¹ Satana, iwe naucimfiwa. Fuma muli aba bantu, mwi Shina lyakwa Yesu Kristu. Leka aba bantu baley, pa mulandu wa Bufumu bwakwa Lesa, mwi Shina lyakwa Yesu. Ameni.

²⁵² Bonse abo abacetekele ukutila Yesu Kristu nomba ni kondapa wenu, nakabili nga Kapususha Wenu, kibili imwe mulefwaya ukusumina Wene pafishinka fimo fine, imimineni pa nkasa shenu, ukusosa, “Ine nomba nasumina Yesu nga Kondapa Wandi, nacimbi nga Kapususha wandi.” Cisuma! Shikulu alumbanishiwe! Shikulu acindikwe! Nomba natwimye amaboko yesu no kwimba kuli Wene.

Ndemulumbanya, ndemulumbanya,
Lumbanyeni Yesu uwatulubula;
Lumbanyeni Katula, ne Mfumu,
Uwakwisa e ukacimfyा bonse.

²⁵³ Owe, bushe tamuleumfwa bwino? Sokonyeni amaboko yenu. Owe, mwe! Natulwimbe nakabili.

Nde mulumbanya, ndemulumbanya,
Lumbanyeni Yesu uwatulubul... (Ibukisheni,
“cimo cine mailo, ilelo, no moyayaya,” ulyo
Mwana wa mpaanga ali.)
Lumbanyeni Katula, ne Mfumu,
Uwakwisa e ukacimfyा bonse.

²⁵⁴ Mwalitemwa cilya? [Ulukuta lwabilikisha, “Aleluya”—Ka.] Ameni. Lekeni tupalamane no kuposha mu kuboko kwa muntu umo. Uku e kutendeka kwa kulongana, ukwatendeke mu musonkano. Soseni, “Lesa akupale, munyina, umutandanshi. Lesa akupale.” Cilya cisuma. Cilya cisuma. Icawama! Nomba mulecetekela tuli nokukwata umusonkano ukalamba panuma ya uku? [“Ameni.”] Ifwe tuletasha Lesa pa kulongana ukukalamba, nomba ifwe tuli nokukwata umusonkano ukalamba. Bonse abo abacetekela cena, soseni, “Ameni.” [“Ameni.”]

Nabebeta Imwe,
 Mwali pa (natulolekeshe kuli Wene nomba)
 Kalbale,
 Mupusushi;
 Mungu’mfwe mwipepo,
 Fibi fifumiwe,
 Ndetendeke lelo
 Kuba Wenu!
 Nga nyenda mu mfifi,
 Yaisa macushi,
 Ntungululwe;
 Mfifi ibe kasuba,
 Mufumye kucula,
 Ndetendeke lelo
 Kuba Wenu!

²⁵⁵ Ameni! Ulukuta lwatila, “Ameni.” [Ulukuta lwatila, “Ameni.”—Ka.] Aleluya!

Owe, Ndemulumbanya,
 Lumbanyeni Yesu uwatulubula;
 Lumbanyeni Katula, ne Mfumu,
 Uwakwisa e ukacimfyा bonse.

Ifyo cawama!

²⁵⁶ Cisuma, bushe kuti twakontamika imitwe yesu nomba ku mapalo. Nshishibe uyo wacisalwa ukucicita cena. Munyina Johnny Manadal, ukufuma ku California, ilyo imitwe yesu ili ya kontamikwa. Nomba mwilabako mailo ubushiku, ilya e ya kubalilapo, ukutendeka. Mailo ubushiku, umusonkano ukabelia fye kuno, kuno kwine muli cino cikulwa, pa seven sate.

²⁵⁷ Lesa amupale. Bushe na muipakisha Umulola wakwa Lesa? [Ulukuta lwatila, “Ameni.”—Ka.] Ameni. Nomba natukontamike imitwe yesu ilyo Munyina Johnny aletusalanganya.



No KWILUKA KOBE WE MWINE WISHINTILILAKO BEM65-0120
(Lean Not Unto Thy Own Understanding)

Iyi Mbila na Munyina William Marrion Branham yaletelwe intendekelo mu Cingeleshi pali Citatu icungulo bushiku, January 20, 1965, kuli ba Full Gospel Business Men's International ku Ramada Inn mu Phoenix, Arizona, U.S.A., yafumishiwa muli tape iyambulwa kabili nailembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2009 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org